

On pind l'crama

Comédie gaie de Maurice Lacroix d'après Eric Assous.

Distribution :

- MAX : Avocat, élégant, sympa, séducteur
- JUSTINE : son épouse, elle a son franc parlé, un chat c'est un chat.
- ALBERT : détient une boîte informatique, bonne bouille.
- JOSEFINE : son épouse, comprend tout au premier degré.
- REMOND : dentiste, complète la trilogie des trois frères.
- INES : son épouse, déléguée immobilière, un peu chieuse.
- TATIANA : jeune femme, allumeuse, pétillante et aguichante.

L'action se passe dans une maison de campagne en fin de restauration, c'est pour pendre la crémaillère que la soirée est organisée. Une porte vers l'extérieur, une entrée vers la cuisine, une entrée vers l'étage. C'est un certain désordre ordonné vu que l'installation n'est pas terminée, et que l'on attend certains meubles. L'appréciation est laissée au Metteur en scène.

AUTORISATION : SABAM. RUE D'ARLON 75 à 1040 BRUXELLES.

Premier ACTE

- 1 MAX : (entrée de Max il découvre les lieux suivi de Justine) Frank'mint c'est bin,,ils ont-avu cint fèyes rèzons,,c'est grand,pâhule,,
- 2 JUSTINE : ah ça po t'èss'pâhule,c'est pâhule,,
- 3 MAX : On grand djârdin ine bèle pelouse,c'est ,,kimint direus dj',,c'est ,, ?vos nin ?
- 4 JUSTINE : ('sec)nèni !
- 5 MAX : Poqwè ?
- 6 JUSTINE : po ça !
- 7 MAX : poqwè po ça ?
- 8 JUSTINE : dèdja qui c'est long.
- 9 MAX : long ?long di wice ?
- 10 JUSTINE: long ,long,,, dè cente
- 11 MAX: dè cente? Dè cente di qwè?
- 12 JUSTINE : dè,,,oh ! c'est bon dji lê toumer.
- 13 MAX : Po k'minci po dire qu'on n'est long d'ine saqwè ou d'ine saquî i fâ to d'abord savu wice-qui si saqwè là ou si saquî là si trouve ine fâ nin avu fè dè hôtès scoles po sèpi çoulà.
- 14 JUSTINE : (moue)d'akwèr.
- 15 MAX : Qwand on vous dire qu'on èst long d'ine sawice,i fâ to d'abord prinde on pwint,,,on r'père,,,qui vos mètez è mutan vos tracez on périmète tot âtou di cichal,,,
- 16 JUSTINE : d'akwèr
- 17 MAX : ès scole primère on nos aprind çoulà,
- 18 JUSTINE : Max ?(lui fait signe de la fermer)sèyîs'binamé sèrez voss'hapâ ni sayî nin d'enculé dèès mohes vos ni arivrez nin ,mâgré vos hôtès scoles.

- 19 MAX : divin tos lès cas ça m'plêt,li campagne li grand êr,li liberté,po lès èfants c'est ??bin nèni ?
- 20 JUSTINE : ça c'est vrèye,c'est mîn-me fwèrt.djusse,ciss'n'ès qui nos n'avans nin dèss èfants.
- 21 MAX : mwè !
- 22 JUSTINE : è qui, ni vos' fré, ni vos'bèle-soûr,zèls non pus èn-non nin !
- 23 MAX : mwè !
- 24 JUSTINE : çou qui vous dire qui voss'téorèye a deus censes è d'mèye vos polez v'zel mèt'(regard de Max)wice qui vos volez.
- 25 MAX : enfin Justine quél oumeur !qui çoulà ni v'ahâye nin dè hâbiter l'campagne dji vous co bin l'ad'mète,mins qui vos sèyez d'ossi mâle fwè,vos n'poler nin noyî qui cèt-ine bèle dimorance.
- 26 JUSTINE : siya,dji nôye,dji nôye,dji nôye,,,po rin â monde dji n'voreus hâbiter ciss'barake(regard de Max)ciss' mohone,, anôyeuse,,freude,,sins catchè,,sins âme,,pwint.
- 27 MAX : oulala
- 28 JUSTINE : mouais,oulala
- 29 MAX : pôreus dj'savu çou qui m' vâ ciss'disbâtche di djoyeus'té ?
- 30 JUSTINE : dja fè l'plin d'van dè v'ni,adon viv'mint al' tâve qu'on magne è qu'on èrvâye.
- 31 MAX : qwand dji v'veus insi mi pus grande èvèye c'est d'èss dimin âmatin.
- 32 JUSTINE : c'est prumîre fèye ouye qui nos èstans d'acwèrd.
- 33 MAX : si vos n'avîz nin îdèye dè v'ni ?poqwè nin l'aveur dis ?
- 34 JUSTINE : dji v'la dis ,dji v'la r'dis,dji v'la re redis,vos m'avez rèspondou,on pout nin fez çoulà a m'fré.
- 35 MAX : asteur qu'on ès là fez n'pitite fwèce.
- 36 JUSTINE : dji sos dèdja a stok ,al'copète y fê freud,
- 37 MAX : (regarde la cheminée ou le radiateur)c'est malâhèye a tchâfer,,bin wice sont y ?
- 38 JUSTINE : y passès tondeuse pol pus sur,dj'a faim mi.

- 39 MAX : v'estez pé qu'ine pile élèctrik,(montrant la bouteille)buvez on còp ça v'rèstchâfrè.
- 40 JUSTINE : clapante îdèye(elle se sert et Albert entre)
- 41 MAX : hey Albert !!
- 42 ALBERT : eh qwè, ?noss'djârdin quèn-nè d'hez v'?
- 43 MAX : peûr mèrvèye.
- 44 ALBERT : dji trouve ossi,,è l' mohone ?hin ?
- 45 MAX : magnific,come ça(pouce en l'air)
- 46 ALBERT : ça v'done èvèye di s'adjîstrer al' campagne hin çoulà.
- 47 JUSTINE : tot-a-fait.
- 48 ALBERT : wè ,wè,
- 49 JUSTINE : c'est djuss'çou-qu-on d'héve avou Max ! hin Max ?
- 50 ALBERT : sol còp, po nos ôtes ça stu li còp d'tonîre li còp d'foudre come on dit
- 51 MAX : alè ??
- 52 ALBERT : ah siya,on l'a sta hipe vèyou qui sol còp li còp d'foudre.
- 53 MAX : ti m'èware.
- 54 JUSTINE : dji n'vôreûs nin chicaner po n'tchîchèye Albert,mins qwand on dit sol còp c'est còp d'foudre come vos d'hez !!!!c'est ???
- 55 ALBERT: wè,wè,,bin sur ,pléonasme,mi dji m'roûvèye voltî,dji monte diseur,dji d'hind èl câve ,c'est bièsse hin?
- 56 MAX: Justine?on ès nin v'noû po fer des r'mostrances so l'manîre dè pârler,nos n'èstans nin a l'académèye pinse-dju ?
- 57 JUSTINE : ah l'ça c'est l'dèuzîn-me fèye qui nos èstans tot-afait d'acwèr dispôye nos st'arivèye è ciss'plêhante wâmîre.
- 58 ALBERT : Justine a rèzon ,on-prind nin tofèr astème à l'manîre dè djâser on dit dèss bièstrèyes,ureus'mint qui nos ôtes nos avans "une femme de lettres"come bèle-sôûr.,,,bon,,,heu,,,come timpérature ça va,,vos n'avez nin freud ?
- 59 JUSTINE : nin freud ?nin du tout ,nin freud ? y fait kayans.

- 60 ALBERT : dji n'mi rin nin todi conte,c'est Joséfine qu'il m'la fait r'marquer.dji m'afêtih assez vite.
- 61 MAX : lès omes ont todi stu pus tchorleus qui lès feumes,c'est ine kèsse di''métabolisme''come on dit.
- 62 ALBERT : volà c'est lès p'pits mèhins d'èl campagne è dès feumes,,,bon dji m'va veuye po 'r'monter l'tchâfèdj' è taper on côp d'ouy sol polè(montre ungros)d'èl campagne(il sort)
- 63 JUSTINE : c'est ça ,li polè ,li tchâfètche,li crama,èt tot l'rèss !!
- 64 MAX : sèreus'dimander to plin qui dè m'd'morer inmâve ?
- 65 JUSTINE : dj'a stu grossîre ?
- 66 MAX : c'est l'façon dè dîre qui vos avez !
- 67 JUSTINE : adon on d'mi d'mande nin d'èss' inmâve ,on d'mande dè candjî d'ton !
- 68 MAX : voléve bin candjî d'ton,siv'plê ?
- 69 JUSTINE : nèni !
- 70 JOSEFINE : (entre)brrr li k'mince a fer friskè,oh lala !!al vèsprèye ça va vite!!sintez(il touche son bras)ouye dj'a mînme tûzer a m'ach'ter ine pèrè di mitîn-ne po l'âdvins.
- 71 MAX : ça va co,on supwète.
- 72 JOSEFINE : èh qwè ?è l'djârdin ?vos n'avez co rin dis.
- 73 MAX : magnifik.
- 74 JOSEFINE : awè don ,c'est çoulà qu'a fait clintchî l'balance,tot c'est âbes,ciss'vèrdeûre,ça stu coup d'foudre come dit Albert
- 75 JUSTINE : sol côp !!
- 76 JOSEFINE : en tout cas on na nin hèp'té,,,enfin qwand mîn-me ine miète ,on ès-pus long d'èl vèye, pu tot près dè cente !!!pwis po fini on a dit wè,wè,on-y va,et al copète vos alez mutwè trover çoula bièsse ,mins l'îdèye a djerme dè fer in' éfant ,ou,,saqwants,,èt vos ôtes ?
- 77 MAX : wè,c'est,,,wè,wè,,
- 78 JOSEFINE : èt Justine ?

- 79 JUSTINE : po k'minci 'îdèye dè fer dè galipètes divin lès jèbes ni m'tèmtèye nin èt deuzin-mint avu dè èfants ,onk come l'ôte nos n'avans st'èvèye, ça cour, ça fait dè brut,brèf ,on hé çoulà,èdon Max ?
- 80 MAX ; èll'blague, !!hin
- 81 JOSEFINE : bon,bon,(elle nesait quoi)bon bon,,,bon avou to çoula c'est bin ,c'est fwèr bin,vos d'vez avu faim ?nèni ?
- 82 JUSTINE : dji mour di faim ! on-ès v'nou po ça dji pinse.
- 83 JOSEFINE : li polè è todi è fôr,,
- 84 JUSTINE : on polè po nos sih ?
- 85 JOSEFINE : on polè d'campagne(montre un gros)po nos sèt,on deut rawåde Tatiana.
- 86 MAX : Tatiana ?
- 87 JOSEFINE : Bin awè dji l'a st'invitée.
- 88 MAX : V'savez d'mandé a Tatiana dè v'ni chal ouy al'nut ?
- 89 JUSTINE : C'est quí Tatiana ?
- 90 JOSEFINE : Qwè Idja mã fait ?
- 91 MAX : Dji na nin dis çoulà.
- 92 JUSTINE : C'est quí Tatiana ?
- 93 JOSEFINE : sih ou sèt,si n'es nin çoulà qui candje l'afêre.
- 94 JUSTINE : (fort)on m'va rèsponde ?awè ou merde ?
- 95 MAX : Justine,poqwè brèyez-v' ?
- 96 JUSTINE : po qu'on rèsponse,dji vous n'èsponse.
- 97 JOSEFINE : Tatiana ,c'est l'sècrètère d'Albert.
- 98 MAX : min poqwè l'avu inviter ?
- 99 JOSEFINE : oh bièss'mint come ça,y l'arive kék'fèyes qu'on adjih sins rèflèchi,to-
rade dji tèlèfone à Albert,come i n'èsteut nin là dji tape ine pitite copène avou
Tatiana,El'volève sèpi si l'mohone nos plêhîve,si nos èstîs contints,si nos èstîs
r'mètous,,mins to l'hoûtant m'sonléve qui n'aveus ine flibote d'anôymint,dji
m'trompe tél fèye,min dji sins vite qwand in'saqwè n' va nin,,adon dji lî d'mande si ça

li plaireus dè v'ni pinde li crama avou nòs ôtes,mâlèrèus.Ell'a potchî so l'ocâsion sin fer ni eune ni deus,cou qui m'fait tûzer qui dj'a bin fait.

- 100 MAX : mins !!heu !!?
- 101 JOSEFINE : qwè ?
- 102 MAX : dji trouve to l'mînme coulà on pô curieus.
- 103 JOSEFINE : curieus ?ça c'est comik,Albert ma dis djusse li mînme afêre.
- 104 JUSTINE : vos l'kinohez ?
- 105 MAX : quî ?Tatiana,awè lnèni!on pô come ça.
- 106 JUSTINE : on pô come ça,come ça,,k'mint?
- 107 MAX: tot-a hipe,,si,,dji,,
- 108 JOSEFINE : bin Albert ,ma dis qui c'èsteus vos qui li,aveus pruzinté.
- 109 JUSTINE : c'est vos qui la pruzinté a vos fré ?
- 110 MAX : awè.
- 111 JUSTINE : bin on l'dis !
- 112 MAX : bin djè l' dis,djè l'dis,vos fezlès kèsses èt dji na nin mînme li timp dè rèsponde,i s'fait qui c'est bin mi ca pruzinté Tatiana a m'fré Albert,pace-qui dji l'a disfindou ,come Avocât,c'est mèstî lnèni ?
- 113 JUSTINE : Tènè,tènè,tènè !!
- 114 MAX : Cour pénal,hârçulèdje.
- 115 JUSTINE : Hârçulèdje ?,vos acèpté dè s'fait cas vos asteur ?
- 116 MAX : Gote dè monde,mins d'vins cas là, dj'a stu mouwè par ces dîres.
- 117 JOSEFINE : Ell'a d'vous prinde in'Avocât di vos trimpe po on to simpe hârçulèdje ?
- 118 MAX : Simpe hârçulèdje,nin si simpe qui vos crèyez,on voléve ell'fer passer po n'minteuse.
- 119 JOSEFINE : C'est drole Albert ni ma djamâye djâzer d'çoulà.
- 120 MAX : Cn n'è va nin fer non pus tot-on froumadj,dji l'a disfindoû,dj'a fait mèstî,c'est to.
- 121 JUSTINE : èt kimint èst-ell ciss'Tatiana ?

- 122 MAX : Normåle.
- 123 JUSTINE : èco qwè ?
- 124 JOSEFINE : Mi dji n'pous nin dîre qui dj'èll'kinoh fwèrt bin, mins çou qui dji pous dîre c'est qu'ell'est bèlle.
- 125 JUSTINE : Bèle ?bèle,bèle, ?
- 126 JOSEFINE : Dji dirais mînme carap'mint bèle,èdon Max ?sèzihante
- 127 MAX : bof !!
- 128 : JUSTINE : hèèè,rèspondez qwand on v'djåze ,Justine à d'mandé vos t'avis.
- 129 MAX : Dj'a rèspendoû to fans ine mowe,dj'a fait bof !!c'est mi avis.
- 130 JUSTINE : Josèfine ?qwand vos d'hez sèzihante,çà vous dîre qwè ?
- 131 MAX : ça n'vous rin dîre ,rin dîre du tout èll' ni sèzih pèrsone vola tot.
- 132 JOSEFINE : Ni v'mètez nin divin ètat parèye çà n'è vâs nin lès pôn-nès.
- 133 JUSTINE : On' si mèt'nin en état ,nos îs èstîs dèdja d'van dè v'ni,hin Max ?
- 134 JOSEFINE : Bon lbon lè Albert wice-es-ti ?
- 135 MAX : â fornê,i tin l'ouy so l'polè.
- 136 JOSEFINE : Bin mi, dji va tînre Albert à l'ouy,,fez oneûr âs botèyes,l na co.(sortie)
- 137 JUSTINE : ça va ?
- 138 MAX : ça va,extra.
- 139 JUSTINE : v's'avez l'êr,,
- 140 MAX : l'êr, ?l'êr di qwè ?(entrées d'Inès suivie de Rémon)
- 141 INES : Adon ?formidåbe li djârdin, nin vrèye ?
- 142 MAX : Formidåb'come vos h'hez.
- 143 INES : On sé wice taper sès ouys.
- 144 REMOND : Ine mèrvèye,,,veuye cori in'kâkèye d'èfants iss'kibate sol pelouse,c'est to bon'mint,,,èsblawihant.
- 145 INES : Dès mohones come cichal ,à on tél pris èn-na nin dès masses, is on bin fait dè potchî so l'ocâsion,

- 146 MAX : Grâce a vos Inès.
- 147 INES : Grâce a mi dji n'èl catche nin,è grâce a l'agence ,dispôye qui nos n'fans pus qui dès propriétés d'hôt game ,ça rote a to cassé.
- 148 REMOND : On dit qui c'est l'crise,qui na pus dès censes,,,mon œil !!dîreus l'ôte.
- 149 INES : Li tchâfèdj ?,dji direus qui c'est seul pitit problèm' ou i fait trop tchôd ou bin i fait trop freud.
- 150 JUSTINE : On s'lès djale voléve dîre,dj'a mès tètons qui sont come dè l'pîre.
- 151 INES : Dji n'âreus nin d'vou mèt'mi "rôbe Natan" c'est brâmint trop lèdjîr(à Rèmond)mi Hèrmès siv'plè ?
- 152 REMOND : (qui avait sorti son GSM)vos'qwè
- 153 INES : mi foulârd.
- 154 REMOND : ha !!
- 155 INES : Kimint l'trovéve ?
- 156 JUSTINE : Voss'Natan"dji trouve quèl vi done on pus gros fèssâr,hin Max ?
- 157 INES : A quî tèlèfonéve ?
- 158 REMOND : â gamin, veuye si to va bin.
- 159 INES : (lui prend le GSM)dinez m',Téo ,comment va-tu mon chéri,,, ?oui,oui,,,d'accord,,,mais après de suite au liţ,,,compris ?bisous,bisous,et tu ranges ?évidement,,,oui,,(raccroche)y djowe ine pârtèye d'échec so l'ordi pwis i va dwèrmi.
- 160 JUSTINE : Ou bin i r'louk'on film porno .
- 161 REMOND : là Justine vos v'marihez si n'est nin du tout s'genre.
- 162 INES oh lco on pô djône mi sonle-ti.
- 163 JUSTINE: ça pout ataker djone lès plaisir solitère.
- 164 MAX : Justine !!!siv'plè ?
- 165 JOSEFINE : Vola kékès p'titès tchitchèyes po passer l'timp,mins wârdèz n'plèce po l'polè,vos v'ralètchrer,oh ! Rèmond ?
- 166 REMOND : Awè.
- 167 JOSEFINE : Vos m'avez dis qui vos tapris in' ouye.(elle montre sa dentition)

- 168 REMOND : Poqwè n'prindéve nin radjoù ?
- 169 JOSEFINE : èco qwè ?deus meus a rawåde,vorive bin ?dji n'va nin fez l'cowe adon qui dj'a li star a m'pwèrtèye.
- 170 REMOND : Chal dji n'pous rin fez.
- 171 JOSEFINE : Dji n'dimande nin dè fez,djuss'tapez on cop d'ouy.
- 172 REMOND : Bon ,assiez v',li boke bin alâdje(il se sert d'une fourchette)fez Haa.
- 173 JOSEFINE : HAAA !
- 174 REMOND : oh !bon Dju d'bwès,c'est qwè çoula po on carnèdj',pouh!!! na kibin timp qui vos n'avez pu stu veuye vos dentist?
- 175 JOSEFINE : Ell'a pris s'pension,èt dji deus dire qui l'ci qu'èl rimplace,c'est-on Togolè èt dji na nin pus fiat qui çoulà.
- 176 REMOND : Il est Dentiste ?
- 177 JOSEFINE : Awè,mins i l'èst Togolè.
- 178 JUSTINE: (jouant les offusquées)qwè ?i na dès Togolès è nos' payi qui s'dihè Dentiste ?
- 179 JOSEFINE : Nèni,nèni,Justine,dji vous dire qui çoulà surprind,c'est come qui vos dirî d'alez d'vin on rèstorant chinwè tinou par on Mongole c'est drol'enfin.
- 180 JUSTINE : çou qui vous dire qu'on Togolè ni pous nin t'èss Dentiste.
- 181 MAX ; 'ça va Justine,après to Joséfine fait çou qui li plè,sès dints c'est da sonk.
- 182 JUSTINE : d'après l'otopsie,dji n'lès voreûs nin !
- 183 REMOND : alè Josèfine bin grande (il regarde)al' bass'dè brok,c'est l'cas dè l'dire,treus car'rèyes,eune distchâssèye,li bridje qui s'wènèye,,,i na pol mons,deus meus d'ovrèdj.
- 184 JUSTINE : Tant qu'ça ?qwand dji magne di l'ote costé dj'na nin mà.
- 185 REMOND : Adon,porçuvez dè magni di l'ote costé è l'compte è bon,mins dji v'prévins si vos n'fi fez nin sognî ,vos risquez gros.
- 186 JOSEFINE : Dji deus tèlèfonez po prinde radjoù ?
- 187 REMOND : Arindjiv'avou l'Secrètaire,si n'èst nin avou ine fortchète,qui,,,

- 188 INES : Divan qui vos n'âyiz radjoù,dji v'sohète bon corèdj',mi dji m'arindjreu otrumint.
- 189 JOSEFINE : Dji fè qwè mi adon ?
- 190 INES : Si v'n'alez nin mon vos'Togolè,èn-na ine kâkèyes qui rawârdè vos' visite,,,li botin,,,lès djènès pādjes,,rubrik dentistes,,,dès cintin-nes,,,v'savez l'tchûse.
- 191 MAX : Li meune èst luskèt è i tronle mins c'est-on Polonè.
- 192 JOSEFINE : Mokéve,mokéve, !(elle sort)
- 193 REMOND : Dj'âreus d'vous l'prinde.
- 194 INES : ça n'si fait nin dè sognî lès minbes di s'famil'on-a tofèr dè r'dites.
- 195 MAX : Là dji sos d'acwèr,c'est po çoulà qui dj'va ôte-pâ.
- 196 INES : Al copète vos èstèz foû pris,l'alève fez payî ?
- 197 REMOND : Sur qui nèni.
- 198 INES : Bin volà,c'est ine rintrèye di mons,,,èt qué novèle qwand passe-t-on al tâve, ?dj'a faim mi.
- 199 JUSTINE : èt mi dj'a mi stoumac qui brê famène,bouh !!!qui c'est londjîn.
- 200 MAX : I parètreus qui mâque ine saquî.
- 201 INES : Quî ?
- 202 JUSTINE : On ratind Tatiana.
- 203 REMOND : Tatiana ??Tatiana èst -invitèye ?mins d'ouvint?
- 204 MAX: Josèfine a st'avu ciss'clapante îdèye.
- 205 INES : c'est quî Ratania ?
- 206 REMOND : Tatiana,Tatiana,,,nin Ratiana.
- 207 INES: Tatia où Ratia,c'est quî ?
- 208 MAX : èll'ouveur po Albert èt,,,
- 209 JUSTINE : Secrètère d'Albert.,,,a çou qui parait ?
- 210 INES : Djamâye oyoù pârlé,djamâye vèyoù.
- 211 JUSTINE : Mi nin pus.

- 212 INES : Vos l'kinohez ? Rémon dji v'djâse ?
- 213 REMOND : Hin ??kinoh, kinoh ?awè djè l'kinoh come çoulà, dji sés qu'èll'est sins n'avu fê l'tour sos totes sès costeures.
- 214 INES : èt kibin d'costeures avéve discovrou ?
- 215 REMOND : Dji l'a sognî ,sognî, come dj'en-nè sogne dès cîntîn-nes c'est mèstî nèni ?
- 214 INES : c'est-ine paciynthe !
- 215 REMOND : Awè, enfin nèni,, Albert mi l'a rikmandé è dji lî a fait on détartredj,,, ine,,, nèni ,,deus fèyes.
- 216 INES : Deus fèyes on détartredj, çoulà vous dîre ine paciynthe.
- 217 REMOND : Si vos volez,,, awè si vos volez,,, c'est-ine paciynthe,, volà.
- 218 INES : Mins dji n'vous rin mi m'trézôr ,dji raksègne c'est to.
- 219 JUSTINE : I parè qu'ell'est fwèrt bèle.
- 220 REMOND : Quî çà ? Tatiana ?
- 221 JUSTINE : Josèfine a mîn-me dit qu'ell'esteus sèzihante,,, di bêté.
- 222 REMOND : Come d'âbitude Josèfine a falou qu'ell'en-nè mèt', èll'n'est nin,,, hin,,, nin pus ?
- 223 INES : Djône ?
- 224 REMOND : wè, djône,, èt nin djône hin ? inte 25,27,
- 225 INES : c'est djône.
- 226 REMOND : c'est djône, èt nin djône,,
- 227 INES : Bin nèni Rémon ,27 ans c'est djône.
- 228 REMOND : oh ! nin dandjî dè brêre po l'câse, èll'est djône d'acwèr èt qu'est-ce-qui çoulà candje.
- 229 JUSTINE : djône èt sèzihante di bêté.
- 230 REMOND : fât nin tchoûkî to l'mîn-me èll'est d'ell sort qu'en-na pus, hin Max?
- 231 MAX : hin? poqwè mi ,?
- 232 JUSTINE : Pace-qui vos l'kinohez. èh bin ?

- 233 MAX : Bin dji va dire mignogne.
- 234 REMOND : Volà mignogne c'est djusse li mot a l'îdèye , mignogne.
- 235 JUSTINE : si dji comprend bin vòs l'avez r'filée d'onk a l'ôte.
- 236 REMOND : Justine ça vous dire qwè à djuss ?
- 237 MAX : awè ,wice voléve èn-nè v'ni ?
- 238 JUSTINE : come Avocat vos l'avez disfindou c'est l' Secrètêre d'Albert èt Rèmond l'a détartrée,èll'sa fait ine triplète,às cwârdjeus on lome çoulà on brelan.
- 239 REMOND : C'est-ine façon de vèuye.
- 240 INES : Qwè ?vos l'kinohez tos lès treus ?
- 241 MAX : Si on vous ,nos l'avans hâbités,c'est to.
- 242 INES : Disqua wice a ti-stu tchoûkî li hâbitédj' ?
- 243 MAX : Di nos treus c'est Albert qu'èl'kinoh li mî,èl ouveure por lu çou qui fait,,nos ôtes nos polans nin dire qui nos avans dès acoustumances.
- 244 REMOND : Mi çou qui dji vèyév'di pus près c'esteus s'boke èt sès dints,d'acwèr !
mins dès dints dj'èn-nè veus dès cintîn-nes par djous,dji n'mi va nin plind'c'est mèstî,si n'est pol cåse qui dji knoh'tos leus propriètêres ès leus intimités.
- 245 INES : c'est to l'mîn-me assez po qu'èl'seuye invitèye po pinde li crama.
- 246 REMOND : Po m'pårt c'est-ine èreur,èl'na nin s'plèce chal.
- 247 MAX : là d'sus dji sos d'acwèr, c'est ine grosse boulète,,,c'est vrèye portant ciss'swèrèye ,,c'est familiâl,,privèye,,dji n'veus nin bin çou qu'èl vint fez chal.
- 248 JUSTINE : Max,,cacawètes
- 249 MAX : Qwè ?
- 250 JUSTINE : Cacawètes,dja faim.
- 251 MAX : Cacawètes,wice ?
- 252 JUSTINE : là lèl'vis vont potchî às ouys.(Albert entre avec des bouteilles de vins)
- 253 ALBERT : èt volà volà,,,qwand i na pus na co,,,ça n'va nin ?todi ossi freud,dj'a monté l'tchâfètch,vos alez veuye monter l'ambiance.
- 254 REMOND : Qui-ta-ti pris d'invité Tatiana, ?c'esteut ine fièsse di famille.

- 255 ALBERT : c'est nin mi,dji n'voléve nin c'est Josèfine.
- 256 MAX : aha !
- 257 ALBERT : Vos l'kinohez nin ! in'SDF vinreus sonez èl'î done so l'côp si tchmîh'.
- 258 INES : Al copète c'est-ine SDF ?
- 259 ALBERT : Inès ,c'est-ine imådje.
- 260 JUSTINE : Mi dji n'trouve nin çoulà foû s'qwère,Albert èl'håbite qwand mîn-me tos les djous.èdon ?
- 261 ALBERT : ça n'vout rin dire,c'est djuste sol plan profèsonél èl'rèspand à tèlèfone,èl dit bondjoù,èl fait dè cafè,,,hôtèsse,secrètère,standardiste.
- 262 JUSTINE : èt çou qui gâte rin c'est-ine bombe secsuèle.
- 263 ALBERT : siv'plê ?
- 264 : INES : Dji supôse qui fât-èss bin moulèye po tinre on s'fè poss' ?
- 265 : ALBERT : ça compte on bê rivnant c'est pus plaihan a r'wêti.
- 266 : INES : c'est çou qui dji dis,on pout nin mèt'on spawta po tinre ciss'plèce.
- 267 : ALBERT : Inte on spawta èn 'bombe sècsuèle i na d'adire,c'ès-ton poss'di contac c'est to l'mîn-me pus agréâbe dè s'riçû d'ine manière plêhante,,,dji dire qu'èl èst-avenante.
- 268 : INES : Avenante ?
- 269 : JUSTINE : èl'vi convint,v'èstèz contint ?
- 270 : ALBERT : Contint ?
- 271 : MAX : Sol kèss'profèsonél èl'convint ?c'est çou-qui Justine vous saveûr,vos avez l'don po mander n'saqwè vos Justine.vos k'mahî to.
- 272 : JUSTINE : Sol'kèss'profèsonél Albert èl'vi convint ?
- 273 : ALBERT : Tot-a fait ça dj'è l'pouès dire,sol kèss' di l'ovrèdj dji sos strègn,si on convint nin(geste)
- 274 : INES : So qwè par ècsimpe ?
- 275 ALBERT : Bin d'èss'à l'eure,dè bin ovrer,d'en-nin loukî...
- 276 : MAX : Ponctuél,compétince,apliquèye.
- 277 : INES : ça va dj'a compris,dj'a stu ès scole.

- 278 : ALBERT : Dji n'veus nin poqwè on-è djâse tant vos l'veûrez tot-asteur.
- 279 JUSTINE : On dîreûs qui s'présince amôn-ne tot-on patakêse.
- 280 REMOND : Mi ossu dj'a st'ine sècrètêre,dj'èl'veus tos lès djoûs,èl'èst-a l'eûre,mins dji n'l'invite nin pol cåse èl'mohone.
- 281 INES : Mins l'vos'èl'èst vîle èl'èst moche èl'fait sogne âs èfants,,,adon comparer çou qu-èst comparâb'.
- 282 REMOND : ça na rin à veuye.
- 283 JUSTINE : Qué genre d'afêre avév'avoû lèye ?
- 284 MAX : Mins on genre d'afêre come,come,,,èt pwis arêstèz vos kèsses à deus sences è d'mèye,v'savez l'tour dè k'mahî lès sudjets qu'on s'creureus sol côp coupâb'.
- 285 JUSTINE : Mins Max,vos êstèz Avocât,qwand dji v'dimande qué genre d'afêre,qué genre d'afêre come Avocât, !n'Avocât ça ouveur so dès afêres.
- 286 MAX : ah bon m'avez fait sogne,sèyîz pus clére,,,qué genre dji v'l'a dit,,,harcèlement.
- 287 JUSTINE : Quî èl'hâçulève ?
- 288 MAX : Poqwè v'énèrvève ?
- 289 JUSTINE : énèrvève ? mi ?c'èst vos qui s'èmonte,dji mande to simplumint,hâçulève par quî ?c'èst to.
- 290 MAX : In'anchin galant ,on d'mèye doûs qui lî télèfonève à treus eûres à matin,èl mancîve d'èl vitrioler,d'èl vitrioler è visèdj',,,falève bin fez n'saqwè,nèni ?
- 291 INES : Poqwè l'mancève-ti ?
- 292 MAX : On malâde vis dis-dj',,,èl'aveûs lèyî toumer i n'l'admètève nin,mutwè ni l'înmève t'èl pus,,,d'on costé dj'èl comprind avou l'djève qui l'aveut,i n'fève vrîn-mint nin l'pwès,to-fant qu'lève,, heuu !!
- 293 JUSTINE : Vos d'hîz qu'èl èsteut djusse "mignone".
- 294 MAX : Awè mins lu aveus n'djève di tchôde-marke,sins situâtion sins av'ni on man'daye qwè ladon èl ma v'nou dimander consève èt on à pwèrté plinte.
- 295 INES : èt vos avez wangnî ?
- 296 MAX : Naturèlmint,,,enfin !
- 297 JUSTINE : èt li d'mèye-doû a stu condâné ?

298 MAX : oh lawè çoulà !

299 INES : à qwè ?à k'bin ?

300 MAX : Treus meus avou sursis,mètoù à l'èsprouve damadjes intèrèts,kibin ?ça dji n'sàreus pus dîre à djusse.

301 JUSTINE : èt après ?

302 MAX : Après,c'est tot !

303 JUSTINE : èl ni v'sa nin rimèrci ?

304 MAX : Siya bin sur !

305 JUSTINE : Kimint ?

306 MAX : Kimint !kimint ?èl ma dit merci Mèsse,à-ti mèyes manîres dès dîre merci ?

307 JUSTINE : Qwand on èst-ine feume heu !heu !heu lawè,,,rin d'ôte ?

308 MAX : èl'ma payî ,normâl,dji n'ouveure nin po rin ?

309 JUSTINE : èl aveut d'qwè ?(signe d'argent)

310 MAX : ça vous dîre qwè to çoulà ?ine inculpâtion !on dîreut on djudje d'instruction !

311 JUSTINE : Dji m'èware.

312 MAX : èt bin èwaréve,si çoulà v'pous fez dè bin, èwaréve,mi djè nè-veus nin l'câse.

313 JUSTINE : èt c'est pace-qui vos l'avez disfindoù èt lî fez wangnî s'câse qui vos l'avez rik'mandé à vos fré ?èl èsteut div'now pus intime.

314 MAX : Intime ?nèni,,,èl'ma dit qu'èl chôméve qu'èl kwèréve d'vin l'informatik,qu'èl aveut dèdjà fait dè sècrètariat,dji lî a djâser d'Albert qu'est-ès l'informatik,lu !c'est lojike,hin Albert ?

315 ALBERT : ah bin !lawè !!

316 MAX : awè!!!volà èl fât dire.

317 INES : èh vos trézôr kimint a-t-èl' fê po s'atèri è vos cabinèt ?

318 REMOND : Tot çou qui na d'pus simpe,èl' aveut rage di dints Albert ma raksègnî c'est to,dji rapèle qui c'est m' mèstî.

- 319 ALBERT : Bin volà !pace-qui si on m'dimande si dji k'noh'on bon Dentiste,dji sos mutwè di môle fwè ,mins mi bone consciynce mi dis dè rikmandé m'fré,come qwand on m'dimande si dji n'knoh on bon Avocat,,,
- 320 JUSTINE : Todi voss'môle fwè où vos boné consciynce ,,vos rikmandé l'ôte fré !
- 321 ALBERT : On èst fré po n'saqwè,nèni ?l'èsprit d'famil.
- 322 JUSTINE : ouh !là làlàlà !
- 323 ALBERT : Bin qwè ?
- 324 JUSTINE : l'èsprit d'famil !(Josèfine entre)
- 325 JOSEFINE : Tot va bin ?
- 326 MAX : èt l'polè c'est po qwand ?
- 327 JOSEFINE : Câsî, i l'arive,dji n'arèstèye d'èl badigoné i v's'atrap'ine pê dji n'vis dis qu'ça,èt savève qwè,ine sote îdèye ma st'aspité to fièstant lès pates d'èl bièsse ,pus vite qui dis' mèt al tâve avouè dè plèces mètowe à l'avance,si on l'féve al bone frankète chal to bon'mint .
- 328 REMOND : Josèfine !là !où chal ! mins li pus rad'mind siv'plê.
- 329 INES : Po Tatiana,vos avez candjî d'avis ?
- 330 ALBERT : Tot l'mond èst d'akwèr po dîre qui l'îdèye n'est nin fwèr bone di l'avu invité.
- 331 JUSTINE : Albert ! dji na mâte dis çoulà,â contrère dji trouve mîn-me l'îdèye intèrèsante.
- 332 JOSEFINE : bon,bon,bon,si on mètéve on pô d'èl musik,manîre dè mèt'l'ambiance(vers la radio,musique trop sérieuse)
- 333 ALBERT : bone îdèye.(téléphone)
- 334 JOSEFINE : alô ?awè kimint ?oh!qui s'passe-ti oh!vos èstèz sûre ?damadje ,,awè vôrmint damadje,,,awè dè polè,,,di campagne,,,d'akwèr,,,dji transmèt',,,c'est binamé,,,bon corèdj' ,,,c'est l'cas dè dîre qui qwand on djâse dè leup ?
- 335 REMOND : Adon ?
- 336 JOSEFINE : èl'ni sint nin bin,èl a pris dè catchèts,si ça passe èl vint ,si ça n'passe nin èl în-me mî dè d'morer ès'bèdrèye,,di tote manîre èl na nin faim ,on deut nin ~~rawâde~~ po magnî a-t-èl-dit.
- 337 INES : èscuse diplomatik.

- 338 JOSEFINE : Dji n'pinse nin èl aveu tinè vwè tote tène ,anoyeuse,èl a dit qu'èl ayeut dèz nôzèyes.
- 339 MAX : Dèz nôzèyes ?çou qui vous dîre ??
- 340 JUSTINE : Quèl'a st'èvèye dè r'nàrdèz.
- 341 REMOND : Bin volà li problème réglé,tant mî vâ.
- 342 JOSEFINE : Rèmond poqwè èstéve mètchant ?
- 343 REMOND : Qu'a-dj-dis contrère ?
- 344 JOSEFINE : T'as dis tant-mî vâ.
- 345 REMOND : Tant-mî-vâ i n'ârè çoulà pus pol'z'ôtes.
- 346 ALBERT : Bin awè c'èsteut po blaguer.
- 347 MAX : Si n'èst nin mètchant du tout.
- 348 JOSEFINE : Nèni ?ah lbon,bon,bonbon.
- 349 INES : Albert dji pous co d'mander n'saqwè ?
- 350 ALBERT : awè.
- 351 INES : Dji creus qui vos èstèz li mî a mîn-me di m'rèsponde puce-qui c'èst vos qu'èl kinohe li mî,ciss'Tatiana èl'a st-on galant ?
- 352 ALBERT : Adon là dj'avôwe qui dji n'è sé rin,li vèye privèye cà,,,
- 353 REMOND : qué n'importance ?
- 354 INES : Nole.
- 355 REMOND : Adon poqwè dèz kèsses sins importances ?
- 356 INES : Dj'a st-ossi l'dreut dè d'mander dèz kèsses sins- importances.
- 357 REMOND : V'avez tos lès dreuts mi trézôr.
- 358 INES : Mèrci m'poyon.
- 359 ALBERT : Po v'rèsponde frank'mint,on na djamâye djâsez d'çoulà,â buro,c'èst boulot,boulot.
- 360 JOSEFINE : Mi dji lî a d'mandé.
- 361 ALBERT : Po quél rêzon ?

362 JOSEFINE : Po sèpi si el'vinéve tote seule où ak'pagnèye,qwand on cût'nèye i vâ to l'mîn-me mî dè savu kibin qu'on sèrès al'tâve.nin vrèye ?

363 JUSTINE : èt ca'tèl dit ?

364 INES : Awè ca t'èl dit ,ça m'intèrèss'.

365 JOSEFINE : Quèl'sèreut tote seule,mins dj'a come è l'idèye qu'èl a situâtion assez complikèye.

366 JUSTINE : Kimint çoulà ?complikèye ?

367 JOSEFINE : Dji n'sé nin,i m'sonléve djans

368 ALBERT : Bin puce-qui on pòut ataker ,,

369 JUSTINE : Munut Albert lèyî vos avez côpé voss'feume,

370 ALBERT : Gote dè monde dji na rin côpé du tout.

371 JUSTINE : El'aléve fini.

372 ALBERT : Pardon,finihez m'poyète.

373 REMOND : Si vos polez racòurci si n'sèreus nin pus mǎ.

374 JOSEFINE : Bin i l'arive qu'on djâspinèye 'd ine sort è d'lôte,èt on djoû,,kimint a-tèl co dit,,ah vola qu'èl aveut dè r'lâtions fwèrt libre avou in' ome qui l'èsteus mons

375 INES : Dè r'lâtions fwèrt libre avou in' ome qui n'l'èsteut nin.

376 REMOND : ça n'vout dire.

377 MAX : Sins cou ni t'èsse.

378 JUSTINE : Por mi c'est clére come di l'êwe di rotche.

379 MAX : Ah qui comprindéve ?

380 JUSTINE : El'a sta fer avou in' ome marié.

381 Rèmond et Max :oh !!

382 INES : Dji dirè mîn-me qui c'est-on pòut pus clére.

383 JOSEFINE : Po v'dire li vrèye c'est-on pô çouk'dj'aveus tùzer ossu.

384 ALBERT : Dihez mi p'tit poyon si vos apwèrtî l'polè qui va mutwè èss'à crahè èt qui s'fait carapmint désiré.

385 MAX : C'est vrèye i fait l'vôye à pîds sûrmint,,,on arèstèye nin dè djâser d'ine saquî qui na nol intèrèt èt qui al copète dè macthî çà nos l'louk'nin,,,chaskonc si vèye privèye.

386 JOSEFINE : olalalalala,bon,bon,bon,bon,(elle sort)

387 ALBERT : Hum !Max on pô dè vin ?

388 MAX : oh wè !bin voltî.

389 ALBERT: Justine?

390 JUSTINE: Dj'in dis mâye nèni.

391 ALBERT : Inès ?

392 INES : Merci mi vèr è plin.

393 ALBERT : Rèmond ?(Il sert)asteur ça va, vos n'avez pu freud ?

394 JUSTINE : C'est grâce à l'antigèl.

395 INES : Mi ossi ,çà tins tchôd.

396 ALBERT : Si c'est seul moyîns,buvez,buvez, na co.

397 REMOND : Dis donc,si n'est co wêre meublé ?

398 ALBERT : oh lala !li mâque lès treus kwârt vous'dîre.

399 REMOND : C'est çou qui m'sonléve.

400 MAX : Vos avez dèdja tchuzî li genre li style ?

401 ALBERT : On èst-ès l'Ardène,si sèrè dè rustik ârdènès.

402 REMOND : C'est bin l'Ardène,çoulà v'done sol côp îdèye ,,di,,,

403 MAX : Di rudisté,di deuristé,èt di di tchalureu è mîn-me tîmps,qu'ènè pinsez'v vos Justine ?

404 JUSTINE : Adon là ,,dji m'èn-nè foute complètmint.

405 JOSEFINE : (Avec une grande cocotte recouverte)Vochal li bièsse.

406 TOUS : aaaaaaaaah

407 JOSEFINE : Albert ?(il place le sous plat)

408 TOUS : ooooooooooh,bèle bièsse,qué hinèye,,i n'est nin to seu,,

- 409 JOSEFINE : I la mutwè stu londjins po v'ni mins dji creus qui ça valève lès pôn-nes.
- 410 REMOND : Dji n'sâreus dire qu'ine sôrt Josèfine, proféciat !
- 411 JOSEFINE : ah Tatiana !èl ni sé nin çou qu'èl pièd' (la tête des hommes et RIDEAU)

DEUXIEME ACTE

- 412 ALBERT : Dji m'aporçû qui on à fait oneur al tâve,,,bravô mi p'tite feume vos èstèz on "top chèr",,,èt qwè Max,lès afères ça va toti ?
- 413 MAX : Dj'èn-na saqwantes.
- 414 REMOND : Alè raconte,li pus pikante c'est qwè ?
- 415 MAX : Dj'a st' In afère di pot d'vin avou deus députés qui sont'è marmèce,efoncés disqua l'hanète ,dès vrèyes politicârs,qui s'crèyès foû pwèrtèye,qui djouwès a l'astèlok.
- 416 REMOND : Si n'èst nin plèhant a disfinde dè tès promèteus d'bon djoûs.
- 417 MAX : Djustumint nin c'est conte di zèls qui dji plètèye.
- 418 REMOND : èt adon ?
- 419 JUSTINE : Max ?qu'avangn-di keure di tos çoulà,on s'èn-nè foute,c'est anoyeu,displèhant,c'est,,,tchiyant.
- 420 MAX : Dji v'prind à tèmons,li mèstî qui dji fait n'intèrèss'mi feume gote dè monde ,c'est vòrmint plèhant.
- 421 JUSTINE : V'avez glètez.
- 422 MAX : Dji n'veus nin l'rapôrt,,,èt twè Rèmond rin d'novê ?
- 423 REMOND : Djustumint pol moumînt dj'a st'on,,,,
- 424 INES : Dji n'veus nin bin çou qui pout-avu di forfant d'vin on cabinet dentère,ine protèse qui rèsconteure on bridj',c'est ècsitant à possib.
- 425 MAX : C'esteus manière dè djâser.
- 426 JOSEFINE : Bin mi dj'a st'ine grande novèl,dji dîreus mîn-me on "scoop" come on dit,dji volève rawåde qui tos l'monde seuye là mins puce-qui Tatiana sa diskimandé.
- 427 ALBERT : Bin wè !,,,alè m'fèye fèye vas-y.
- 428 JOSEFINE : Vos n'advinez nin trézôr ?

- 429 ALBERT : Nèni.
- 430 JOSEFINE : Qui pôreus dj'anoncî di grande novèle ouy po qui tot l'monde si rafèye ?
- 431 ALBERT : Nèni.
- 432 JOSEFINE : Siya.
- 433 ALBERT : T'èn-nè sur ?
- 434 JOSEFINE : Li Dokteur a tèlèfoné torade ,i na nol dotance c'est bin ça.
- 435 ALBERT : (a contre cœur)come novèle c'est vrîn-mint ine clapante novèle.
- 436 INES : C'est l'djou qwè laprès l'mohone,c'est l'éritîr.
- 437 ALBERT : L'éritîr ,,,awè.
- 438 JOSEFINE : Contint ?
- 439 ALBERT : ahlala wè.
- 440 JOSEFINE : èt m'bâhe c'est po qwand ?
- 441 ALBERT : Min bin sur,bin sur,
- 442 JOSEFINE : On'pout nin dire qui c'est-on bahèdje qui done dès fruzions.
- 443 ALBERT : Josefine,vos n'volez nin qui dji v'trosse chal sol tâve ?
- 444 JOSEFINE : C'est drole,dji n'sins rin d'pus qui d'avance,c'est curieus nèni ?
- 445 JUSTINE : ça pout arivé qui l'Dokteur sâye mari.
- 446 JOSEFINE : nèni,nèni, dji n'pinse nin,l'aveus l'êr acèrtiné.
- 447 MAX : Mins poqwè sèmé l'dote ?
- 448 JUSTINE : Pace-qui nôrmal'mint on èst pus l'mîn-me.
- 449 MAX : Qu-èn-nè savève vos n'l'avez mâye situ.
- 450 JUSTINE : à quî l'fâte ?
- 451 INES : Rapâftéve Josèfine mi nin pus dji na rin r'sintoû so l'atak'mint,par aprè dji v'pous dire qui dji ma ratrapé.
- 452 REMOND : ça on l'pout dire ,quél afère èl'rimètéve tot-avâ.
- 453 INES : ~~Bon~~ bon ça va !

- 454 REMOND : Na rin mǎ là d'vins,èl'vwètùre,, rap'léve,,,on là r'vindou tél'mint l'èsteut arindjèye.
- 455 MAX : Dji sos st'ureu por vos Josèfine,dji v'rabrèsse,,,bravo vî.
- 456 REMOND : Mi ossi bèle-soûr(il l'embrasse)èt twè cathe ti djôye hin(apparté)
(téléphone Josèfine décroche)
- 457 alô ?quî ?ah bon ?awè ?c'est bin ,awè,,,c'est qui nos avans dèdjà ,,,si nè rin ?pol'cafè adon ?c'est çoulà pol' dèsert,,,min nèni i n'è nin trop târd,,,dji sos sûr qui tot l'monde si rafèye,,,qwè ?bin awè i n'ârè,,,vos în-mez lès gougouyes ?à l'îdèye,,,el'a racrotchî,,,ça va on pô mî èl' va fez ine pitite fwèce po v'ni.
- 458 INES : AAAAAAH
- 459 REMOND aaaaaah !qwè ?
- 460 INES: Rin.
- 461 ALBERT: C'est bièsse dè hôler po qu'èl'vinss',si èl' n'èst nin bin.
- 462 JUSTINE : Vos avez st'oyoù dji na nin hôlé mi,c'est lèye ca candjî d'îdèye,aléve dju lî dîre to conte fè dimorez là nos frans inte di nos ôtes.
- 463 REMOND : C'est binamé diss'pårt di nos fez cist-oneûr,mins fâreut to l'mîn-me nin qu'èl s'astâdje dji n'tins nin a rentrer à turelure è d'mèye.
- 464 MAX : Et mi nin pus ,dj'a st'ine conciliâtion a ût eure èt dji na nin l'èvèye dè passer l'nut.
- 465 INES : Mins on dîreus qui vos avez sogne ?
- 466 MAX : Sogne ?sogne di qwè ?
- 467 REMOND : Nos n'avans nol' rêzon d'avu sogne c'est fou d'èl bonète.
- 468 JUSTINE ; Vos èstèz so dè tchôdès cindès qwan c'est qu'on djâse di lèye.
- 469 REMOND : Mâdjinéve qui d'mîn nos avans turtos di l'ovrèdj,è qui çoulà ni s'frè nin to seu,c'est to, è si n'èst nin malâhèye à comprinde mi sonl-ti !
- 470 JOSEFINE : Ouy vos polez bin fez ine pitite fwèce ni sèreus dèdjà qui por mi avou l'novèl' qui dji v'anonci tot asteur ,,,vos m'avez l'êr bin nièrveus,,fât nin ,,on pind l'crama.
- 471 REMOND : Qui féve avou çoulà ?
- 472 INES : Po discôper l'bièsse.

473 REMOND : Drole di manière dè t'ni on coûtè.

474 ALBERT : li bièsse èst discôpèye, ça c'est po l'dorèye qwand èl'sèrè cûte dinez m'çoulà vos risquer dè mahurez vos rôbe.

On passe au noir, légère remontée de l'éclairage les acteurs changent de place le temps passe on remonte a l'éclairage précédent.

475 INES : çou qui nos à mètoù li pousse a l'orèye, c'est qwand on vèyoù qui s'anoyîve ès scole, èl matèrnel tot alève po on mî, mins après qué candj'mint.

476 REMOND : sins r'sôrt, sins goss'

477 INES : èco pus, déprèsif.

478 REMOND : Y s'mèteve è fond d'èl classe è i dwèrmève li tièsse sos sès lives, i pèteve ine sokète è plin mitan d'on cour,,,

479 INES : èt qwand on li d'mandève si l'in-mève situdî y nos rèspondève qui siya nos ôtes on s'dihève qui l'Instituteur n'esteut nin al'hôteur, qui çoulà s'arindjrè avou l'timps.

480 REMOND : èt l'an-nèye d'après, rebelote, mîn-me trîdîn-ne, i l'èst vrèye qui nos n'estîs nin tofèr al hôteur, Inès avou novèl'situâtion mi qui finihève à nol'eure, c'est seul'mint chal al'rintrèye qui nos avans pris li toré po lès cwènes èt qui nos avans-tu trové on spécialiste èt là !

481 INES : li choc,, li côp d'marcus.

482 REMOND : li cou al'tère.

483 INES : Téo èst-on surdoué.

484 JOSEFINE : bin merde adon.

485 JUSTINE : oh ! èt i na nou rècours, li dianostik èst définitif ?

486 INES : nol dotance possib'.

487 JUSTINE : tèt fèye on s'fait dè máva song po rin.

488 REMOND : lès djèrîns tests on st-acèrtinés lès prumîres sintînces.

489 INES : i l'a st-on Q I di cint-è swèsante-qwate.

490 JOSEFINE : ~~C'est~~ bécôp çoulà 164?

491 REMOND : ~~164~~ se deus cint.

492 JOSEFINE : oh awè c'est trop hin...

- 493 INES : à onze ans y l'aprend li russe è l'ébreu.
- 494 REMOND : C'est câsi tracasant,in'ôte di s'adje djowe à foutbal à l'console,lu !!y n'pout d'moni intèllectuélmint inactif,y vous to sèpi y s'rafôre ye di to,y n'arèstèye nin de mander dès kèsses è dès mèsses ,mins todi so dès sudjets pwintus come on dit,dj'a mîn-me de côps qui na malâhèye de comprinde sès kèsses,li psy nos l'a bin ecspliqué.
- 495 JUSTINE : oh !qu'alève èn-nè fez ?
- 496 REMOND : Inès...
- 497 INES : Po l'an qui vint on l'va inscîre divin ine sicole spécializèye.
- 498 JUSTINE : D'vin ine sicole spécializèye.oh lalala Seigneur.
- 499 ALBERT : Mins poqwè ohlala ?c'est bin nèni !?
- 500 JOSEFINE : C'est bin,c'est bin ,si on vout lmins ça vout dire ossi qui n'è nin tot-a-fait come in'ôte.
- 501 INES : Ta rèzon Josèfine nos fi n'èst nin come in'ôte.
- 502 JOSEFINE C'est-à sohêti quil'nos' n'âye nin on "kwî" trop hôt.
- 503 JUSTINE : Tracass'nin Josèfine in'coûre nou dandji.
- 504 MAX : Justine !
- 505 ALBERT : El'dit çoulà pace-qui y parèt'qui à n'cèrtîn-ne dôse di sutisté çoulà l'zès rin mâlureus.Bon è si on passève a l'ake sùvant,Josèfine vis -à st'aponti ine dorèye av'ralètchî lès deuts.
- 506 INES : Dji m'rafèye sè sawourer çoulà .
- 507 JOSEFINE : Pomes è bananes,vos m'èn-nè direz dès novèles.(ding-dong)ah ! vochal Tatiana djuss' à pont pol'dèssèrt(Elle ouvre)Tatiana, c'est vôrmint binamé d'èss' vinôwe tos l'monde è foû binâhe,intrez,intrez.
- 508 TATIANA : Bonut'
- 509 ALBERT : Bonut,,,dji va d'haler(Elle enlève le manteau Elle est très sexy)
- 510 JOSEFINE : Avou l'timps qui fait vos n'avez nin sogne de r'freudi ?
- 511 ALBERT : Awè !pace-qui pol'moumint li tchâfèdj' si n'èst nin co çoulà.
- 512 TATIANA : On veurè bin ,pol'moumint ça-va,fè mèyeu chal qu'à d'foû.
- 513 JOSEFINE : Vos n'knohez tos l'monde ?

- 514 TATIANA : Seul'mint lès omes,lès feumes nèni à pàrt Vos Josèfine.Bonut Max.
- 515 MAX : Bonut Tatiana.Mi feume.
- 516 TATIANA : Bin sur !Justine,c'est ça ?
- 517 JUSTINE : C'est çoulà.
- 518 TATIANA : èstchantèye Justine.
- 519 JUSTINE : èstchantèye ossi.
- 520 TATIANA : Dj'a st-oyou bràmint djâsez d'vos.
- 521 JUSTINE : Dj'èspère bin qui c'èsteut positif'.
- 522 TATIANA : Positif Justine,positif !(Justine fait ouf !ironique)
- 523 JUSTINE : Dji sâyerè dès'al hôteur.
- 524 TATIANA : Bonut Rèmond !wouah, lc'est la class' moussî d'in'tél façon.
- 525 REMOND: ah bon !mèrci mins dji n'a vôrmint rin fait pus qui d'âbitud,bonut.
- 526 TATIANA : Bonut ?ça vout dire qwè çoulà on si rabrèss' pus ?
- 527 REMOND : Siya,siya on s'rabrèsse,min !!!
- 528 TATIANA : V'savez candjî d'parfum,,
- 529 REMOND : Possib' dji n'sé nin, Inès,mi feume
- 530 INES : Dji wadj'qui on v'za djâsez bràmint d'mi.
- 531 TATIANA : Nin du tout, ! enfin dji saveus bin qui Rèmond èsteut marié mins a pâr çoulà !
- 532 ALBERT : èt djustumint à pàrt çoulà,en forme ?
- 533 TATIANA : Poqwè ?ça n'si veut nin ?
- 534 ALBERT : ohh siya ça s'veut, c'est-a dire qui torad'â tèlèfone avou Josèfine,,vos,,
- 535 TATIANA : Torad'c'èsteut torad'èt asteur tot-ès-t'arindjî.,qwand dj'a sèpou qui vos èstis turtos là dji ma dis qui dji n'polève nin mâquer çoulà.c'est bin li prumire fèye qui dji veus tos lès treus è min-me timps.Et c'est -ossi li prùmire fèyes qui dji veus lès treus copes rasonlèyes.
- 536 JOSEFINE : Assiève Tatiana mètève à l'âhe.
- 537 JUSTINE : Pus à l'âhe qui çoulà ça risquèye d'alez long.

- 538 TATIANA : Divan dji voreus bin aler on p'tit endrwè,,
539 JOSEFINE : Adon chal po li p'tite comichon come pol grande âréze on deut monter
à prumir.
540 ALBERT : Dji va mostrer.
541 TATIANA : Tracass'nin Albert,dji sos sûre qui dji vas trovè ,ti sés qui dji sés
démèrder,,dj'ariv'(elle sort)
542 ALBERT : ah ! ça !
543 JUSTINE : Dji n'sé si dj'a bin oyòù,mins èl'vis atow ?
544 ALBERT : Awè ,poqwè nin ?
545 JUSTINE : Awè powè nin,c'est curieus.
546 ALBERT : Vos savez qui seuye chal où à buro i na st'on Maisse mins si n'est tofèr
ine rèzon po mèt'ine bârire avou lès èployis sol manire dè comuniquer.
547 INES : Tos l'min-me ine sècrètère qui m'akèm'reu d'ine tél manire,dji
v'acèrtinèye qui çoulà ni s'passreu insi à mi agence ah ! çoulà nèni.
548 ALBERT : Awè mins Tatiana èl'est à pàrt,èl est nature avou tos l'monde,El'atowe
Max to naturèlmint.
549 JUSTINE : Ah bon vos ossi ?
550 MAX : Bin awè,qui na-ti là di spéciâl,dji l'a st'avou come cliente on a gangni,,,
551 JUSTINE : Donc el vis atow.
552 MAX : Come El'freut fi parèye avou Rèmond.
553 INES ; T'atowe tès patients twè asteur ?
554 REMOND : Tèlfèye awè ,c'est pus pratik,,c'est,,
555 JUSTINE : C'est pus pratik ?oho !!
556 REMOND : Coulà pout dispind' d'è pèrsonèdj à-quî qu'on a st'a fez,naturèlmint.
557 ALBERT : Bin louki lès Flaminds,i s'dihès to dreu "U"i s'atouwè to dreut è
portant si n'est po çoulà qui sont familièr ou grossir pol càse.
558 INES : El'est Flaminde ?
559 ALBERT : Bin nèni.

- 560 INES : Curieuse, come bâcèle ,hin !
- 561 JUSTINE : wè lè li manire di s' moussi, on pout nin dire qui çoulà li fait sogne" elle en jette" come on dit.
- 562 ALBERT : ah i fât dire qui ouye el's'a laché, mins dj i v'rasûre d'èl djoûrnèye à buro, c'est classic' tot ahip si on l'rimarkèye.
- 563 REMOND : Por lèye c'est on djeu. C'est lès grands timid' qui s'kiduhè come ça, El' vous djower lès feumes fatales to sèpant bin qu'èl'ni l'ès nin, èt qui mutwè voreut bin l'èss'.
- Vos saisihez ?
- 564 MAX : wè, wè,,
- 565 ALBERT : bon !
- 566 INES : T'ècsplik'bin Rèmond.
- 567 MAX : C'est ine façon d'amusez l'galrèye, c'est d' l'umour.
- 568 JUSTINE : Mins dji rèye Max, ti n'pout nin sèpi come dji rèye.
- 569 JOSEFINE : Bon, bin la-d-sus, dji m'va qwèri l'dorèye.
- 570 MAX : C'est çoulà, on l'gostèye èt on-èr-va, avéve vèyou l'eure ?
- 571 REMOND : oh la lè al copète mi dji sos to spyî.
- 572 INES : Come çoulà s'trouve ,mi c'est to l'contrère, dji pète li forme.
- 573 JUSTINE : Dis donc as'vèyou Max ? (regardant le manteau de Tatiana) on gangne bin s'vèye come sècrètère, hin Albert ?
- 574 ALBERT : Nin spéciålmint" tous ce qui brille n'est pas or" come on dit.
- 575 MAX : C'est mutwè dè deuzîm'-min.
- 576 INES : Ou dè clients fwèrs gènèreus.
- 577 JOSEFINE : èt vochal li mèrvèye.
- 578 TOUS : ahaaaaaah !
- 579 REMOND : Bravo Josèfine, magnifik.
- 580 JOSEFINE : Fabricâtion maizon, produit BIO, kibin èstangn' ?
- 581 MAX : Por mi djuss'ine pitite linwèt' djuss'po fez oneûr, dji na vôrmint pus faim
- 582 TATIANA : Dihez donc dj'a tapé on côp d'ouy, come ça li novèl'mohone (geste).

- 583 JOSEFINE : Ca c'est Inès qui fât compluminter è si agence "agence hôt de game"
- 584 TATIANA : Dji sés ,bravô Inès,ça v'deus fameus'mint candjî di l'apartumint dè Boul' vârd dè hôteûrs.
- 585 JOSEFINE : Kimint ?
- 586 TATIANA : Dji dis qui c'est nut è djoû , rapôrt à Boul'vârd dè hôteûrs di sint Nicolèye
- 587 JOSEFINE : Sint Nicolèye, ?v'savez dèdjà v'noù a Sint Nicolèye ?
- 588 TATIANA : Vidamint qui dja v'noù,enfin m'èl sonle todi.
- 589 JOSEFINE : non,non,non,si n'est nin possib,vos v'marihez Tatiana,en tout cas dji n'mi sovint nin qui vos ayîz vinou à Boul'vârd dè hôteûrs.
- 590 TATIANA : Tins portant !c'est qwand mîn-me bin l'apart' dè djèrins âstèdj,avou balcon tot âtou èt dè gros kwârés pots d'fleurs.
- 591 JOSEFINE : wè,wè,dès gros kwârés pots d'fleurs.
- 592 TATIANA : Dji n'la nin sondjî to l'mîn-me.
- 593 JUSTINE: Si èl'èl'dit.
- 594 INES: Poqwè l'invanter?
- 595 JOSEFINE : D'akwèr,ècscuzer m'Tatiana,mins là dji n'mi sovint gote,mins alors gote dè monde qui dji v'a invité,c'esteu qwand d'abôrd ?
- 596 TATIANA : ohlala ! mi è lès dates,,,nol sov'nance èt Albert, ?, ?rin ?
- 597 ALBERT : pouh !mi nin pus,si valéve mâye ratînre to çoulà ?
- 598 INES : On dîreu qu'Albert a st'ossu dè problîn-mes di dâtes.
- 599 REMOND : Ca va riv'ni dînez lî l'timps.
- 600 ALBERT : Oh la,oh la,on moumînt hin ,si tos l'monde djâse è mîn-me tîmps,lèyîm' ine miète tùzer,,,eh bin ,,to conte fè,,nèni,,èl' ,,na mâye situ invitèye.
- 601 JUSTINE : Bin sur qu'èl'na mâye situ invitèye,èl a passé po li f'nièss'.
- 602 ALBERT : ah !volà dji sos,dji m'sovint c'est qwand Josèfine divève alez veuye si Mame à Morèsnèt.,,mi dj'èsteus st'â burô ,l'après l'dîné dji d'veve alez à Berlin po afères come dji n'aveus pus wère di tîmps d'vans d'mi èt volà qui dji m'aporçu qui dji n'aveus nin m' pass'pôrt dji a d'mandé a Tatiana di l'alé kwèri,dji lî a d'né mès clés è c'est come çoulà qu'èl'are vèyoû l'apartumint en kèstion.
- 603 TATIANA : C'est ça,dji m'sovint asteur,dji a stu mins i n'aveut pèrsone.

604 JOSEFINE : C'èsteus qwand ?

605 ALBERT : C'èsteus qwand?qui sé dj'?Vos'mam'aveut fait n'atak,èl'aveut dès problîn-mes cardiak,èl'a stu opèrèye saqwantès fèyes,tos lès spécialistes ont défilés,c'èsteut qwand?

606 JOSEFINE: Na deus ans.

607 ALBERT: Bin volà na deus ans,vos fî l'navète inte Moresnèt èt l'ospità d' Sint Vith vos èstîz tot al'dilouhe là qu'èl n'alève nin bin èt qui lès Dokteurs. n'avîz pus wère d'èspwèr,di m'costé dj'aveus in' volèyes di contrats è l'Almagne,c'èst po ciss'rèzon qui dj'alève à Bèrlin.

608 MAX : Bin volà !

609 REMOND : Tot ès arindjî.

610 MAX : El'dorèye c'èst po qwand ?

611 TATIANA : Tos arivans dji na nin bin vèyou,li djârdin m'avise assez grand.

612 REMOND : oh lala,ine mèrvèye.

613 INES : Dji n'vous nin passer po n'feus' di ràtchâs,poqwè on pas'port po Bèrlin,si dji n'mi trompe Bèrlin c'èst-è l'Almagne,è l'Almagne c'èstè l'Europe,adon,,,

614 JUSTINE : Inès a rèzon,poqwè on pas'pôrt ?

615 ALBERT : Houtez,dji na nin ine mémwère d'éléfant,si dj'a d'mandé à Tatiana d'alez kwèri,c'èst qui dji n'aveus mutwè nin mi carte d'identité,è pwis l'Europe ça n vous nin dire qui on pout vwèagé sins papîs pol câse.

616 INES : wi,wi,wi,wi,,,

617 ALBERT: Al copète dji pièd' tot, dji rouvèye tot,dj'a st'ine mèmwère di lives,nin vrèye?

618 JOSEFINE: awè èt nèni,to dispind.

619 ALBERT: Là dj'aveus st-ine bone rèzon,vos'Mame èsteut al'âgonèye,i n'aveus d'qwè èss'tourmèté.

620 REMOND: Est-ce-qui to çoulà nè vât vrin-mint lès pôn-nes,Tatiana aboute ine rimarqu'sol mohone è sol'djârdin èt volà qu'on bate di deus ans èn-èrî,èt çoulà nos fè r'sûrdi dès sovnis qui r'mouwès on passé bin anoyeu avou l'mwèrt d'èl Mame da Josèfine.

621 JOSEFINE: Mi Mame mwète?

622 REMOND: Bin awè.

- 623 JOSEFINE: Nèni,nèni Rèmond mi Mame n'est nin mwète.
- 624 REMOND: T'es sure?
- 625 JOSEFINE: Bin sure qui dji sos sure,on l'a st'opèré plusieurs fèyes à cour,min
él'est bin r'tapèye,dji t'asùre.
- 626 INES: T'åreus mî fè di taire Rèmond.
- 627 REMOND: Escuse Josèfine dji contéve qui,,,tote mès excuses,min come èl'esteut
dèdjà fwèrt vile as'moumint là è come èl'esteut dèdjà malåde on'a pus djâzé adon dja
conté,,
- 628 INES: Ti t'èfonce todi pus Rèmond.
- 629 JOSEFINE: Dji sos st-à grès di v'dire Rèmond qui Mame va bin,èl magne èl beut èl
rote,,èl ni cour nin min c'est -to come.
- 630 REMOND: Tant mî vâ Josèfine tant mî vâ,ureus por vos c'est l'mèyeuse novèl d'èl
djournalèye.
- 631 INES: Ca va Rèmond la "gaff"ni tchouke nin.
- 632 ALBERT: Dihez don mi p'tite feume si on gostéve vos' dorèye ?
- 633 MAX: Awè pace-qui nos tâdjrans pu wêre,nos avans co po n'bèle pîpe divan
d'èss' rentrer.
- 634 ALBERT: Nin a st'eure chal ,lès routes sont disgadjèyes.
- 635 JUSTINE: Na rin qui broûle Max,on èst bin chal.nèni ?
- 636 MAX: Vos savez qui dji n'în-me nin rôler d'èl nut.
- 637 TATIANA: C'ès novèl vwèture ?
- 638 MAX: Mi ? nèni ,,heu ! poqwè ?
- 639 TATIANA: Dj'a vèyoù on gros batch to s'arivant,dji ma dis sins nol dotance è come
dj'èl kinoh', çoulà si n'pout-èss qui l'vwèture da Max.
- 640 MAX: Ah ! wè,min èl'a dèdjà bin ,,,pus d'in'an qui dji l'à.
- 641 TATIANA: C'est bin çou-qui dji pinséve vos l'avez candjî , d'avance vos avîz ine
vile Anglèss'avou lès sîdjes di rodje cûr.
- 642 JUSTINE: Aaaaaaah ah ah !v'savez k'nohoù li Jaguar ?

- 643 TATIANA : Ouh lala ,dj'a mîn-me avou l'oneur dî intrez saqwantès fèyes,c'èsteut plêhant,dès botons ,dès manètes ,come divin l'air bus''y féve li fir li bê Max.
- 644 MAX : Mins nèni,c'èsteut ine ocasse qu'on camarâde Houssî aveut sèzi èt qui dj'aveus avou po n cross' di pan,
- 645 TATIANA : Max li rwè dè margouleu.
- 646 MAX : Mins nèni,i na nou margoulèdj là d'vins,c'ès-to-a fait légal.
- 647 TATIANA : Max,?dji t'tchèrèye,hin!
- 648 MAX: Ah bon.
- 649 TATIANA: In'Avocât c'èst in'ome di lwè qui parvins a roter sol tchèteute d'on teut sins mǎye mèt on pîd triviè.
- 650 ALBERT : L'imådje è bèle.
- 651 MAX : Nèni Albert ,por mi in'Avocât c'èst to simplumint in'saquî qui disfind lès omes avou lès lwès qui l'a st-as'pwèrtèyes.
- 652 JUSTINE : Ca va Max ni t'fait nin pus catolik qui l'Pâpe,,,Mins to conte fait kimint l'avéve kinohoû ?
- 653 TATIANA : C'èst comik ça,in vis-a rin dit ?
- 654 JUSTINE : Si pô,si pô qui dji na nol' sov'nance.
- 655 TATIANA : Y l'aveus pris disfince divin ine afère.
- 656 MAX : Volà.
- 657 TATIANA : Y ma disfindoù come on Maïsse,on grand Maïsse ha lha lha !
- 658 JUSTINE : Coulà m'èware nin là qui c'èst mèstî,mins poqwè djustumint Lu ?vos l'kinohîz ?
- 659 TATIANA : Nèni ,c'èst l'hazârd èt co grace al vwèture.
- 660 JUSTINE: Alè!!
- 661 MAX: Siya.
- 662 TATIANA: Dji tome en pane plîn-ne campagne,à s'moùmint dj'aveus-ine vile cariole qui m'lèyîv toumé à to moûmint,come dji n'kinoh kindal en mécanik nin lès pôn-nès dè lever l'capot,dji va fez dè STOP lal prumîre vwèture prumî pôce levé,èl's'arèstèye.
- 663 JUSTINE : Ca m'èware.

664 TATIANA : è c'esteut quî, ?Max ès' Jaguar.

MAX MAX : ah wè !dji rôléve pâhulmint qwand,,,

665 TATIANA : Y l'alève plêti à HU,y m'dimande si dji vous l'akpagnté ,l'aveus ine ôdience publik come dji sos curieuse dj'ac'cètèye è dji deus dire qui dji n'l'a nin r'grèter,il a dicwât'lé,sprâtchî l'adversère,èl sâle lès djins riyîs come dès bossous,è portant li ci qui disfindéve èsteut in'bèle crapule.

666 MAX : mins nona,si n'esteut nin in'crapule du tout.

667 TATIANA : Ca va Max,c'est twè mîn-me qui m'la dis,on bankî où qui s'dihéve tèl qu'aveut rôlé dès p'titès djins trop bonasses.Coulà èl fât fer hin,gangnî ine câse to disfindant in'onièsse djin ça va,mins li relasce po sâvez in'escroc là ,ça d'vins forfant,c'est dèl hôte voltige.ouhouhhhh.Grand Avocât Maise !

668 INES: Dj'a st'avoû l'ocâsion dèl' veuy a l'ouève,c'est vrèye qui l'è tèrip'.

669 ALBERT : Si n'est nin fré po rin.

670 JUSTINE : Wè,wè,wè,,,tos l'monde sé qui l'est douwé.Et après y v'sa d'né s'carte .

671 TATIANA : Awè,,,nèni,,,mî qu'ça y ma st'invité à magnî divin on grand rèstorant,a fize dè fièstî l'victwère.

672 JUSTINE : A rèsto ?

673 TATIANA : Li djoû mîn-me !

674 INES : wawhh li djoû mîn-me !

675 TATIANA : èn'on "relais gastronomique"d'èl contrèye,c'esteut come on Tchèstê.

676 MAX : Fâ nin brâclé nin pus,d'ât'fou l'aparince n'esteut nin mâ ,,mins,,,

677 TATIANA : Por mi qui n'esteut nin afètèye,dji deus dire...

678 JUSTINE : Mmmmmmh.è adon ?

679 TATIANA : Adon,tot.

680 JUSTINE : Tot qwè ?

681 TATIANA : Tot, li vin cint-è-cinquante euros l'botèye,homard,caviar,,,tot,,,en "tout bien tout honneur"come on dit.

682 JUSTINE : Ah bon !

683 MAX Bin awè Justine ,on dîné d'afère,rin d'pus.

- 684 TATIANA : Awè Justine,sèyîz sins sogne,vos t'ome è on sâreus pus blanc que blanc
- 685 JUSTINE : Grâce a Tatiana volà qui dji rid'houveure mi-ome,dji deus dîre qui c'est fwèrt intèrèsant.
- 686 TATIANA : Et c'est djustumint so l'trèvin di ciss size là qui dji lî a raconté l'istwère avou Tonio.
- 687 JUSTINE : Tonio ?
- 688 MAX : Bin awè dji v'sa raconté ,Tonio.
- 689 TATIANA : Tonio c'esteut m'vî galand,y man'cîve,hâçulève,voléve mi disfigurer à l'acide,,,tos lès mèhins ,,c'esteut por lu,alcolik,brutâl,obsédé,mythomane,tot po plêre.
- 690 INES : Adon poqwè tchuzis on tél galand ,avou ot-tant di mèhins à mons qui d'èss''maso'', l'vos n'trovez nin ?
- 691 TATIANA : A l'atak'tot-è novê,tot-è bê.Pwis fât qui dji v'dèye qui l'prumîre fèye qui dji l'a rèscontré dj'èsteus co pus sôle qui lu.On djâséve sins dîre lès consones,pèrsones ni comprind rin sâf li ci qu-èst-ossi pètè qu'vos,v'n'avez mâte sayî ?
- 692 INES : Nin co mins dji mî va mèt'.
- 693 TATIANA: C'est bièsse mins c'est plaîhant,"i,ou,eu,on,vè,a,ou i,"(ti vous beure on vère avou mi)a,è,i,ou,in,eu,on,è,a,ou,è"(awè dji vous bin beure on vère avou twè)mi dj'a fini par mi d'sôler ,mins lu adon,ohlala !y fât dîre qui l' ayeut in' saqwè quél mètève al copète di to,,è qui m'mètève,,,pffffff
- 694 JUSTINE : wèèèèèèè
- 695 TATIANA : là ça m'djîn-ne on pô,nèni l'vos mêtez è l'imbaras.
- 696 JUSTINE : alè lon èst-on pô dèl mîn-me famille asteur.
- 697 MAX : Houtez si ça l'imbarass'enfin !
- 698 REMOND : Dji n'trouve nin ciss'conversation ni plêhante ni intèrèssante,on -èst-a arivé dè djâzer d'on mec qu'on kinohe ni pô ni gote,ça n'est d'vin djîn-nant.
- 699 INES : Mi dji wadje qui Tatiana tèmtèye po n'-è dîre pus.Nin vrèye ?
- 700 TATIANA : Vos n'advinez nin ?
- 701 JUSTINE : Dj'a bin mi p'tite îdèye.
- 702 JOSEFINE : C'est qwè ?
- 703 JUSTINE : Dj'èl wâde por mi.

- 704 TATIANA : Po djâzer frank'mint dji m'va disfûler,al wåde di Dju po lès mās-pinsants.Y fât dîre qui dèš Tonio ,èn-na dèš masses po v'mèt'so orbite d'ine télé manîre,qui seuye à djeun,çou qu'èsteut râre ou complètmint pètè y l'a don di v'ècsplôser,wawww !
- 705 JOSEFINE : Ah c'èst çoulà.
- 706 JUSTINE : Dj'aveus bouhî djuss'.
- 707 TATIANA : Dji va passer lès dètayes,ça n'si veus mutwè nin ,dji sos ine nateure assez kimint dîreudj',,,assez fisik.
- 708 INES : Qwand on l'veut come ça on èl'dîreut nin.
- 709 TATIANA : Mi y m'èn-nè fât,si dji na nin m'dôze régulrièremint,dji déprime,dji d'pèrih,dji d'cwèlih.Bon dji sés qui na dèš feumes qui fait bin sins,min-mes dèš feumes marèyes,qui leus-omes ni s'èn'aprépiè pus,mi lsi n'èst nin l'cas dji n'sâreus fez sins.
- 710 MAX : Fwèrt bone li dorèye Josèfine.
- 711 JOSEFINE : Dji deus dîre qui c'èst-ine saqwè qui m'réussih assez bin.
- 712 MAX : C'èst qwè li p'tit goss(il hume)
- 713 JOSEFINE : Canèle.
- 714 MAX : Ah lli canèle,ça candje to li canèle,nin vrèye Justine ?
- 715 JUSTINE : wèèè,li canèle
- 716 ALBERT : Ah ça Josèfine li pâtsirèye c'èst mālâhèye di lî prinde.
- 717 INES : (à Tatiana)èt asteur ?
- 718 TATIANA : Asteur qwè ?
- 719 INES : Dispôye li fameus Tonio qui v'mètève so orbite,,,rin d'ôte ?
- 720 JUSTINE : Na pus nouk po v'escplôser.
- 721 MAX : Justine ?c'èst qwè çoulà vos djouwez à djudje d'instruction,ça n'èst d'vin pènib'
- 722 JUSTINE : On djâze.
- 723 TATIANA : Pol moùmint dj'a ine relâsion èt ça mi dèrîndje nin d'èn-nè d'viser ca nouk di vos ôtes n'èl kinoh.
- 724 MAX : Ca v'va,rasurèye. ?
- 725 TATIANA : Y s'lome Steven.

- 726 INES : Steven?(affirmative)Américain!
- 727 TATIANA: Libanè.
- 728 JOSEFINE : Stéven ?c'est Libanè ?
- 729 ALBERT : Bin awè,Steven Spielberg,ha,ha,ha,
- 730 TATIANA: Li problèm'c'est qui deut adjinc'ner sès déplac'mints inte Beyrouth èl Consulat chal èl Bèlgik'.
- 731 JUSTINE : Wice-èst l'problèm ?
- 732 TATIANA : Il èst marié ,èt cink èfants.
- 733 JOSEFINE : Ah bin volà,volà,volà,volà,c'esteut çoulà çouk vos m'dihîz à tèlefone.Ine relâcion amoureuse fwèrt libre avou in'ome qui l'èst brâmint mons,voilà,c'esteut Steven.
- 734 INES : Puce-qui s'feume èst-a Bèyrouth i na nou dandjî.
- 735 TATIANA : Asteur pus ,èl'a v'nou r'djonde,è al copète èl'èst dismèsfyîante.
- 736 INES : El'a pol pus sur-sès rèzon.
- 737 TATIANA : Ah çà ! po t'èss'trompèye èl èst,hoho,,,in'sés veuye ine cote sins pinde âtoù,come tchôd lapin c'en-èst-onk,mîn-me mi y m' trompe.
- 738 JOSEFINE : Ah,wè,wè,wè.
- 739 TATIANA: Mi,dj'en-na d'keur,dji n'sos nin amoureuse,c'est djusse po çou-qui vos savez èt surtout y l'èst produkteur di musik.
- 740 JUSTINE : Qué rapôrt?
- 741 JOSEFINE: ça c'est intèrèsant,on produkteur di musik
- 742 TATIANA : Intèrèssant,dji sos surtout intèrèssèye,puce-qui djè nè sos a m'discoviè,dji va dîre,dji n'sés nin çou qui çoulà donrè,mins,,,dji tchante.
- 743 INES : Ah bon ,vos ètez tchanteuse asteur.
- 744 TATIANA : Nin tchanteuse,tchanteuse,dji n'sos nin La Calasse,dji m'riskèye,,,Steven a compôsé ine pitite tchanson qui n'va nin révolutioné li planète,mins on va sayîz d'èl sôrti.Po m'ècorèdjî Steven dis qui pol djoù d'ouye y fât mî aveur on fisik qu'aveur dè l'vwès.
- 745 JOSEFINE : Ca c'est "La star ac"èl'télévùsion.

- 746 JUSTINE : En tout cas pol fisik,ça c'est sûr vos l'avez.
- 747 ALBERT : Tchanteuse ? ça fait qui vos nos-alez kwiter ?
- 748 TATIANA : Poqwè ?
- 749 JOSEFINE : Bin awè,poqwè kwiter,Albert enfin,,,
- 750 ALBERT : Dji vout dire,y m'dinez s'préavis.
- 751 TATIANA : Si n'est co wêr fait,, on î ouveure,Si to va bin c'est seulmint po l'an qui vint.
- 752 ALBERT : Pitite catchèye va llà dji d'meure stâmus,pouah !
- 753 TATIANA : Nin tant qu'ça,i na kâkèye di djins âtoû d'mi qui sont-â corant.
- 754 ALBERT : Nin mi todi.
- 755 TATIANA : Rèmond l'saveut.
- 756 INES : Rèmond ?
- 757 REMOND : Mi ?v'èstèz sur qui c'est mi,dji n'mi sovint nin.
- 758 TATIANA : Nin seulmint dj'en-na djâsé ,dj'a mîn-me tchanté on p'tit couplèt on djoû è cabinèt,,,(elle insiste)France Gall.
- 759 INES : è cabinèt da Rèmond ?adon ?
- 760 REMOND : Nol sovnance,où adon i na fwèrt lontimps.
- 761 JOSEFINE : Quèl tchanson ?
- 762 REMOND : Sés pus.
- 763 TATIANA : La déclaration.
- 764 INES : Quél "Déclaration" ?
- 765 TATIANA : Li tchanson da France Gall "La déclaration"t'aveus adoré.
- 766 REMOND : Bin là dji r'grèt,c'est fwèrt vague.
- 767 TATIANA : Mins siya,c'est-on djoû qui vos'fi Téo, ?,c'est ça hin ?n'esteut nin bin vos v'dimandî dès kèsses è dès mèsses,v'estîz tourmèté,y n'dmoréve rèsèré,vos èstîz al dilouh',èt po v'rimonté l'morâl dj'a tchanté(elle chante)

Quand je suis seule que je peux rêver, je rêve que je suis dans tes bras, je rêve que je te fait tout bas, une déclaration, ma déclaration

768 JOSEFINE : D'vin tos lès cas vos tchantez bin, hin èl'tchante bin, bravo.

769 TATIANA : èt qwè Rèmond ?todi rin ?

770 REMOND : Todì rin.

771 INES : Tatiana, si vos tchantî tote li tchanson, Dji fait wadjeùre qui ça lî r'vinreut sol côp, hin Rèmond ?

772 JOSEFINE : Awè, awè, djusse come ça à "capella"

773 TATIANA : Nèni, dji n'wèsreu, vos z'alez moker, pace-qui dji na mutwè nin l'êr come ça, mins dji sos assez timid, è po m'dilahî dji na nin co bu assez.

774 JUSTINE : èt vos n'avez nol crainte avoù vos'produkteur di musik qui n'fiz èsblawtèye, è fêsse avaler dès crakes, c'est-on monde a pàrt, èt assez pòurî.

775 TATIANA : C'est poqwè dj'a pris lès d'vants, èt dj'a voloù qu'on sène on contrat.

776 JUSTINE : Vos -î k'nohez ?

777 TATIANA : Kin'dal, c'est poqwè dji l'a fait lére a Max, vos pinsez bin qui si dj'a on grand Mâisse a m'pwèrtèye, dji n'va nin mèskeure, si sèreusq trop bièsse.

778 MAX : C'est-on contrat standard, dj'a djusse tapé on p'tit côp d'ouy.

779 TATIANA : Nin si standard qui ça Max, ta fait candjî in'volèye di p'tits trucs divan di m'lèyî siner, ta bin fait d'âreze.

780 JUSTINE : Ta rèscontré Steven, Max ?

781 MAX : Gote dè monde, dji na rèscontrer pèrsone, dji n'èl kinohe mi cilà.

782 TATIANA : C'est djuss'Max préhîve dimani èn-èrî. Nos avans passé ine sîze en tête-à-tête afize di to disploumter, y m'dihéve çou qui n'alève nin, dji prindéve dès notes, dj'èsteus li boke alâdje d'admiration come li scolîre divan s'profèseur. Dj'a rèvoyî li contrat à Steven avoù lès corèktions èt on à siné.

783 MAX : Fait pus tchôd asteur, hin ?

784 ALBERT : Fât-i bahî ?

785 MAX : Nèni, ça va por mi.

786 JOSEFINE : Quî èst ce qui vout d'èl dorèye ?

- 787 INES : Sins façon, merci.
- 788 JOSEFINE : Rèmond ?(continue sa distribution)
- 789 TATIANA : Ah ! tièsse è l'êr qui dji sos, dj'a stach'té ine bwète di pralines, èl'sont d'manôwes è m'vwètùre.
- 790 JOSEFINE : Valéve nin.
- 791 TATIANA : C'èst l'mons va sùrmint.
- 792 JOSEFINE : C'èst ine swèrèye tote simpe manîre dè pinde li crama, âréze pèrsone na rin apwèrté.
- 793 TATIANA : Lès ôtes fait çou qui volè, mins mi c'èst mi. Max sèyîz binamé ,lès pralines ?(moue de Max)siv plê, c'èst l' vwètùre djusse podrî l'voss'. siv plê ?
- 794 JUSTINE : Max ?enfin puice-qu-on zèl dimande onièssmint, vas-î.
- 795 MAX : ça raviss' à qwè cès pralines ?
- 796 TATIANA : ça raviss' à qwè cès pralines ?à n'pèlète émailièye, a dèès pralines va surmint.(il sort)
- 797 JOSEFINE : Vos n'estîz nin là, qwand dj'a st'anonci li grande novèle, dji sos ècinte.
- 798 TATIANA : Nin vrèye ?c'èst formidâb', da quî ?, dji blague, dji blague, dji sos st'ureuse por vos Josèfine.
- 799 JOSEFINE : Mèrci.
- 800 TATIANA : Et qwè Albert ?ti veus bin qwand ti-vous, ti-pous,,, nèni mins l'ôte djou on è d'viséve â burô tos l'monde lî d'mandéve çou qui rawârdéve po fez in' éfant èt,,,
- 801 JOSEFINE : èt ??
- 802 TATIANA : y contéve qui l'problèm c'èsteut lu.
- 803 JOSEFINE : Ah bon !bon, bon, bon,,, tèt crèyéve vôrmint ?
- 804 ALBERT : Awè dja dis çoulà come ça à l'ocâsion.
- 805 TATIANA : Mi dji m'ènè sovint come si c'èsteut îr, c'èsteut djusse li moùmint qui mi ossi dj'a toumer ècinte.
- 806 INES : Vos avez avou in' éfant ?
- 807 TATIANA : Dji n'la nin wârdé, c'èsteut nin possib'.
- 808 JOSEFINE : L'èsteut mât mètoû ?

- 809 TATIANA : Si on vous !c'est pus vite in'èfant qui n'esteut nin sohêtîz,in'ak'cidint si on pout dîre.Li père ,qui'n'l'a mâyê situ puce-qui-na st'avou nol naîhance,li moncheu qu'aveut mètou li p'tit'grîn-ne come dihèt lès èfants ni polève prinde sor lu,foù marièdj'.
- 810 JOSEFINE : è poqwè ,qui n'polève nin ?
- 811 JUSTINE : C'est to hotchî.
- 812 JOSEFINE : C'esteut li produkteur Libanè?
- 813 TATIANA : Nèni,c'esteut d'vans Steven.
- 814 INES : Adon c'est Tonio !
- 814 JOSEFINE : Li brut' ?
- 816 TATIANA : Nèni ,inte lès deus.Dji l'âreus voltî wârdez,mîn-me si l'père nèl riknohéve nin.
- 817 JOSEFINE : C'est bin triss'
- 818 TATIANA : Y l'âreus stu mâlûreus dè sèpi in'tél situâtîon,è ça dji nèl volève nin ,pace-qui contrairemînt âs-ôtes,dji lîn-méve lu l'dismètant qu'lu c'esteut so mès mitchés qui djêrîve .
- 819 JOSEFINE : C'est bin lès omes.
- 820 TATIANA : Si dj'a st'avoû tchance d'avu on cwèr bin tournez,dji n'va nin m'èn-nè plind' nin pus.Dji n'âreus nin d'vous v'raconter tos çoulà,èscusém.(Max revient)
- 821 MAX : Dji na rin trové,dj'a kwèroû tot-avâ,bwète as gants,tavlê d'bwèrd,so lès bankètes,mîn-me li carpète qui dj'a r'lèvé,rin,pralines èvolèyes.
- 822 TATIANA : Dj'èl sa mutwè roûvî èl mohone.
- 823 MAX : Mutwè ?L'areus mutwè valou tuzer à çoulà divan di m'èvoyî l'zès kwèri, on s'lès djale ât'foù.
- 824 JUSTINE : Adon Max qui v'sa-ti arivé ?
- 825 MAX : Kwè !dji vins d'èl dîre,dji na rin trové.
- 826 JUSTINE : C'esteut lèye ?
- 827 MAX : qwè ! quî ?
- 827 JUSTINE : Lèye !
- 828 TATIANA : Dji n'mi sins nin fwèrt bin ,dji va rintre.

829 JUSTINE : Ah neni, si sèreus trop àhèye çoulà. Asteur on vûde lès sètchs, on djâze fòu dè dints,, c'est trop où trop pô, li djeus piss c'est fini bâcèle,,,,. C'est-avou Max l'istwère di l'èfant ?

830 INES : Avou Rèmond ?

831 JOSEFINE : Si n'est nin Albert to l'mînme?

832 TATIANA: Awè.

833 INES: Awè quî?

824 JUSTINE: Liské non di Dju?

825 MAX : Nouk hin ! nouk l'vos n'vèyez nin qu'èl si fout' di nos ôtes dispôye qu'èl èst-arivèye.

826 REMOND : Natûre çoulà, èl nos tchèrèyes, èl vint, èl ni vint pus , pwis èl vint qwand mîn-me, èl nos raconte si vèye, sès avinteures, rispârdant chal è là dè acsègneure. Tos l'mond panik, adon qui pèrsone na rin as'riprocher.

827 MAX : fouteûse di merde.

828 JUSTINE : Poqwè freut-èl çoulà ?

829 MAX : po s'vindjî.

830 JUSTINE : Si vindjî di quî, di qwè ?

831 INES : Qwand on s'vout vindjî, c'est qu'on stu ac'sù.

832 JUSTINE : Et c'est chal qui ça s'pass' ?

833 INES : Adon ? nouk ni s'disfûle ?

834 JUSTINE : Bin neni. nouk di zèls na dè coyons às cou.

835 ALBERT : C'est mi.

836 JOSEFINE : Albert ?

837 ALBERT : Awè.

838 JOSEFINE: C'est nin possib.

839 ALBERT: Siya.

840 MAX: Dj'ô bin? ,twè èt Tatiana?

841 ALBERT: Awèèè.

- 842 MAX: mins nèni.
- 843 ABERT : Bin siya.
- 844 MAX : Ci n'èst nin vrèye.
- 845 ALBERT : Hoûte bin Max,qwand dji dis qui c'èst mi,c'èst mi,fât-i fez on dèssin,c'èst mi,y valève on coupâb,èh bin volà vos l'avez,c'èst fait ,c'èst fait.pwint bar'
- 846 JOSEFINE : C'èst vrèye ?
- 847 ALBERT : C'èst vrèye ,enfin câsî.
- 848 INES : Kimint câsî ?c'èst n' pîre ou n'brik,nin câsî.
- 849 JOSEFINE : Kimint çoulà ça-ti passé,alè racont'.
- 850 ALBERT : A qwè çoulà chév'ti,puce-qui dj'èl dis.
- 851 JOSEFINE : ça chév,dji vous sèpi !
- 852 ALBERT : Josèfine fffvos èstîz djondans vos' mame a l'ospitâ.Dj'èsteus to seu èl mohone dji d'mande àTatiana di m'apwèrter on papî fwèr consékant,c'èsteus vè lès ût eure al nut,èl'a v'noû sins-dismèsfyî,èl contève qui vos èstîz là.Dji lî a fait on cafè to lî d'hans qui vos èstîz to près di vos' mame qu'alève mori,dji n'aveus nin l'morâl,dj'a raconté dès couyonâdes,dji n'sés pus qwè,,,pwis dj'a mètou mès so,,,
- 853 JOSEFINE : so qwè ?
- 854 ALBERT : so sès (montre les seins)
- 855 JOSEFINE : So sès têtes è après ?
- 856 MAX : C'èst bon Josèfine.
- 857 TATIANA : Djintimint dj'a tchoukî s'main èvoye pol nin choquez, là, y ma voloû bâhî,dji lî a d'né ine pètèye èt dji ma sâvé.Li lèd'dimin dj'èsteus convokèye â burô,dji m'dèri qui dj'èsteus rèvoyèye,bin nèni !y l'èsteut to pawoureu,tot-èmîn-né,to djinti,y ma dit qui r'grètève y sa escusez,y l'aveus l'êr sincère.A m'tour dji ma t'escusé pol pètèye,y ma dis qu'èl méritève bin.Là d'sus dji lî a promètou qui çoulà dimeureu int di nos deus è qu'on è djâsreu maye pus,çouqu-on fait âréze disqua ouye al nut,dji r'grète Josèfine.
- 858 JOSEFINE : Ca m'fait dèl pôn-ne Albert d'ètind' dès faitès-afêres,al copète fez çoulà sol trèvins qui maman èsteut opèrèye à "cœur ouvert"tès vrîn-mint on monse ti n'rèspèctève rin.
- 859 INES : C'èst mutwè on monse ,mins on èst nin pus avancé.
- 860 JOSEFINE : Kimint çoulà ?

- 861 JUSTINE : Si n'est nin to tripotant sès têtes qui li a fait n'èfant.
- 862 JOSEFINE : Bon bin ça va dj'a compris,dji sés bin kimint qu'on tome èçinte,mins y voléve qwand mîn-me,sâreut polou t'èss' lu.
- 863 ALBERT : Pardon Josèfine.
- 864 JOSEFINE : Pardon Josèfine ,c'est âhèye çoulà,,, pardon,,si n'est on mot magik.
- 865 ALBERT : Qui poudj' dîre d'ôte ?(elle le giffle) waie !
- 866 JOSEFINE : C'esteut pus fwèr qui mi ,ça m'hôpève.
- 867 ALBERT ☹se tenant la joue)c'esteut-on fameus hôpèdj'.
- 868 JOSEFINE : Pardon.
- 869 ALBERT : Dji t'în-me Nicole.(Tatiana amorce sa sortie)
- 870 JOSEFINE : Vos n'alez ?
- 871 TATIANA : Awè. Bonut Josèfine.
- 872 JOSEFINE : Bonut, vos n'avez d' bone,vos avez vèyoû l'carnèdj' ?
- 873 JUSTINE : Ah nèni vos n'sòrtèyeré qui qwand on sâre l'vrèye.
- 874 TATIANA : Vos n'alez qwand mîn-me nin mi sèkèstrez.
- 875 REMOND : Ca va Justine lèyîl' alez ,c'est nè st-assez.
- 876 INES : Rèmond. ?
- 877 REMOND : Bin awè, c'est mi,lèye-îl'alez asteur lèye-îl rintrer.

Tatiana sort et c'est là consternation ,le rideau se ferme lentement.

TROISIEME ACTE

Josèfine et Inès sont en scène

- 878 JOSEFINE :Bon y v' sa trompé,i la minti,t'ès wyème d'akwèr,mins si n'est l'fin dè monde to l'mîn-me,dji trouve qui l'tàvlê n'è nin si neur qui çoulà,y l'a qwand mîn-me limité l'cass'.
- 879 INES : ça vout dîre qwè limiter l'cass' ?
- 880 JOSEFINE : Y l'âreut poloû ac'cètpez l'èfant,ou c'èn-nè houwez complètmint,dès omes qui fait dès bastàs ça cour lès vôyes vos polez creure,dès pourcès èn-na po dès an-nèyes à l'avance.Al copète Tatiana ni li d'mandéve nin mîn-me d'èl riknoh to çou qu'èl voléve

c'esteute on p'tit bokè come sov'ni. Coulà ossi y l'a r'efusez c'est bin prouve qui l'a todi d'ès principes èt d'ès sintumints por vos. Et vos avez st'oyou èl'a dit lèye mîn-me c'est-ine afère di fèsses,,ine afère di fèss' qu'est-ce qui-c'est ?rin,,,

881 INES : Seuye binamèye Josèfine, mins si n'est nin avou d'ès s'fès contes qui vos m'alez r'monter l'morâle, Arèze vos n'sârîz comprinde.

882 JOSEFINE : è poqwè n'sâreu-dj' comprinde? dji frè r'marker qui dj'a st'vou li mîn-me tridîn-ne avou Albert.

883 INES : ah n'èni ! nin tot-a-fait.

884 JOSEFINE : wè bon d'akwèr ,y na nin réussi s'côp, pace-qui y na nin on si bê riv'nant qui vos t-ome, èt tant mî vâ por mi, mins y voléve qwand mîn-me èl fez passer al' cassrole, c'est parèye l'idèye èsteute là,, qu'adj fait mi,, hin, dj'a pardonné,, c'est l' difèrînce qui na inte bièsses è djins ,li pardon ,èt al copète si n'est vòrmint nin li moumînt di s'kwiter, dji ratind famîl'èt nos avans on novê crédit di qwinze ans so lès rins

885 INES : Si vos l'savez prind' di ciss'manîre, tant mî vâ, dj'i v's'èvèye, mi c'est-à l'copèt' di mè fwèces.

886 JOSEFINE : Y l'est to ratatiné l'pôve Rèmond, y balzinèye è djârdin come onk qu'a pièrdoù s'qwinzîn-ne, avou l'freud qui fait c'est po atraper l'crèva.

887 INES : bin fê por lu.

888 JOSEFINE : Fât nin dîre çoulà Inès, vos l'rigrètrez pus târd. Tot çoulà c'est di m'fâte, dji n'âreus d'vou invitez Tatiana, oh lala ! quel' boulète, bièsse qui dj'a stu, dji m'ènè vous, dji sos vòrmint li Rène d'ès makârs (JUSTINE entre de la cuisine) wice sont-y qu'on ètind rin ?

889 JUSTINE : Albert lave lès hièles ,Max lès r'sôwes èt Rèmond foume è djârdin, c'est drole i na ine dimèye eure di t'chal tos l'monde èsteute prèssés d'èn-nè-raler è asteur,, ça va ?

890 INES : èt vos ?

891 JUSTINE : C'est por twè Inès qui na st'on problèm'

892 INES : Mèrci, dji sés.

893 JUSTINE : èh bin on pout dîre qui c'est ine sîze à "situation renvèrsantes"

894 INES : On l'poût dîre, awè.

895 JOSEFINE : c'est ine sîze di mède ,awè

896 JUSTINE : C'est Max ca hôlez po v' ni, mi dji n'l'aveus nin bone, dji n'voléve nin v'ni.

- 897 JOSEFINE : oh !poqwè çoulà Justine ?
- 898 JUSTINE : Poqwè ?pace-qui ça m'an-mèrde,rôlez ine eure ça m'an-mèrde,fez l'èqwance di m'èsblouwi divan on cothê où n' tchèminèye qui tome è blèsse ça m'an-mèrde,magnî on polè qui bagne è l'ôle ça m'an-mèrde,,,di A à Z ça m'an-mèrde,c'est çou qu'on l'ome ine corwèye .
- 899 JOSEFINE : C'est ine corwèye dè v'ni chal ?
- 900 JUSTINE : Mins nèni,nin chal spéciålmint Josèfine,amon dès djins là wice-qui on à rin à cirez''come dihèt lès djônes,on y va par obligåtion po fez plêzîr al' famil',qui lès frés si rèscontrèss',dji comprind,mins lès bèlès-sours poqwè èstangn'prise come otages.
- 901 JOSEFINE : Dji n'sos nin d'akwèr là d'sus,dji n'mi sins oblidyèye èvè vos-ôtes.
- 902 JUSTINE : Frankmint Josèfine,djuss' ine minut di frankisté,d'vin on grand moûmint di filosofie là qui nos-èstans pol' moûmint,nos èstans dès bèlès-sours mins avangn'li pus p'tit floumtchon d'afinité ?
- 903 JOSEFINE : ah bon ?
- 904 JUSTINE : Fait nin l'èkwance dè n'nin sèpi,nos n'avans nin lès mîn-mes gosses.Mi dj'în-me lére,aprinde,ac'cègnîz.Inès c'est l'môde ,lès concèrts,lès galas,lès rèstos,Vos Josèfine c'est,,,c'est,,,mins åd'fait c'est qwè vos ?
- 905 JOSEFINE : bin !mi,,,
- 906 INES : Li couhène.
- 907 JOSEFINE : awè c'est ça li couhène,wè,wè,li couhène,,c'est ça èt poqwè nin,èt bin dès ôtès afères ossi,,si n'è nin pacequi dji n'ouveure nin ådfoù qui dji na nin ine vèye intèrèssante,,,dj'în-me riçure èt,,,volà. !
- 908 INES : Fât dîre qui ouye c'est plîn-ne réussite.
- 909 JOSEFINE : Dji m'féve ine djôye di v'mostrez nos'novèl' dimeure di v'invitez al' tâve,rin d'to çoulà ni sa passé come dji l'åreus voloû.
- 910 INES : C'est l'mons qu'on pôye dîre.
- 911 JUSTINE : T'as sayî Josèfine.
- 912 JOSEFINE : Totes cès pôn-nes là po rin.
- 913 JUSTINE : C'est l'résultat qui conte,nin lès fwèces qu'on î a mètoû,è là fât bin riknoh qui vos toumer à costé à to côp bon.

914 JOSEFINE : Bon,bon,ni v'tracassez nin,,dji'a compris,wè,wè,,mi dji sos li bèl-soûr on pô rèscoûlèye,vos-ôtes vos avez to vèyoû,to léhoû.Mi dji sos li d'mèye cûte qui s'èwâre po on rin qui fait dès èklameures po dès tchîthèye,qui dit dès bièstrèyes.Vos ôtes vos èstèz afètèyes à dès swèrèyes pus chic avoû dès djins pus intèrèssants,vos citez dès grands scribeus,Baudelaire ,Marcel Prout',,,mi dji na nol convèstasion,èt qwand dji dis ine saqwè d'intèrèssant,çà n'vi intèrèsse nin.Dji l'a bin vèyoû tot-asteur qwand dji'a dis qui dji'èsteus ècinte,vos m'avez trové ridicule,awè Justine,vos dji'a vèyoû qui vos tapî lès ouys â cîr,Inès lèye èst blasèye avoû on gamin qui fait on "kwi" di swèsante qwate.

915 INES : cint-è-swèsante qwate.

916 JOSEFINE : Mîn-me treus cint si-ti vous,dji m'en fou dji nî k'noh rin.Sèyîz sins sogne vos n'ârez nin l'corwèye dè v'ni veuye mi èfant qwand i sèrè là èt vos pôrez spâgnî dè fez in' eure di route ,pèrsonne n'èl veurè,pèrsonne puce-qui tos l'monde s'èn-nè foute(elle sort vers l'étage en pleurant)

917 INES : El'n'è nin mâ cis rôbe là,po n'fèye ça t-va bin.(Max entre)

918 JUSTINE : Mwèèè,,

919 MAX : C'est Josèfine qu'a brê.

920 JUSTINE : El'ni brê nin èl tchoûle.

921 MAX : Poqwè ?

922 INES : Po,,saqwant sakwès.

923 JUSTINE : Dji ma pèrmètoû di lî dîre saqwantès afères..

924 MAX : c'èsteut oblidi ?

925 JUSTINE : Oblidi nèni,mins çoulà ma fait dè bin.

926 MAX : Li swèrèye èsteut dèdjà tchèrdjèye assé come ça,v sâriz polou nè wâde pol còp qui vint.

927 JUSTINE : Qué còp qui vint ?

928 MAX : alè Justine ,alé vis-èscuzé.

929 JUSTINE : di qwè ?

930 INES : Bon, dji va(elle sort ètage)

931 MAX : Justine qu'aveut sogne di s'anoyîz v'sèstèz chèrvow ine sîze plînte di brus di rispitàdj çà v'plê ?

932 JUSTINE : Djè-nè d'mandéve nin tant.

- 933 MAX : dji sé bin.
- 934 JUSTINE : Max ?inte di nos deus-Tatiana,ti t'là fê hin,ou ta pol' mons sayî,ine pitite fêye,nèni,par politèss' ?
- 935 MAX : Nèni.
- 936 JUSTINE : D'èl trilogie,c'èsteut qwand mîn-me twè li pus fivreu qwand ta sèpou qu'èl èsteut-invitéye.
- 937 MAX : Awè,c'èsteut mi,si vos volez savu poqwè,,èl èst névrôsèye cis'bâcèle là èl'si complè divin lès disdus,c'est-ine mytomane qu-ès tofèr a s'plinde,dji m'èn-na st'aporçu fwèr vite qwand dji là disfindou a procès dè fameu Tonio,dji n'dis nin qui c'èsteut-in'andje mins to hoûtant s'disfinse dj'a bin compris qu'èl'aveut tchoûkî a stok.C'est ine disbatchèye,pèrvèrse èt désiqui libèrèye.
- 938 JUSTINE : C'est bin sùr po ces rèzons qui vos l'avez r'filer a Albert.(sonnerie GSM)
- 939 MAX : C'est da quî(il décroche,Inès rentre)ah oui Téo je te la passe.Vos' fi.
- 940 INES : Josèfine sa rèssèrez èl sâle di bagne ,èl rèfûse dè drovi.
- 941 JUSTINE : Tchoûle t'èl-todi ?(Max sort cuisine)
- 942 INES : Dji nè sé rin,on dîreut ine saquî qui s'lave lès dints.(tel)oui Téo ?non mais qu'est-ce que tu fait,t'es pas encore couché ?mais non t'inquiète pas tout va très bien.Oui on passe une très bonne soirée(Rèmond entre)Non tu n'attends pas tu dors,oui bisous mon chéri.
- 943 REMOND : A quî tèlefonéve ?
- 944 INES : C'est l'gamin va surmint ,y s'tracass'.
- 945 REMOND : Y l'a rèzon ,mi ès'plèce dj'èn-nè freut tot-ot-tant.On y va ?
- 946 INES : On moumint,dji houk' mi mame.
- 947 REMOND : a cis't'eure èss' bin rèzonâb ?
- 948 INES : Pol' prévni qui dj'arive,arève li djintilièsse di m'dihèrdjî dilé mame siv plê ?
- 949 REMOND : Vos volez lodjî mon voss mame ?
- 950 INES : Poqwè dji d'vreus dwèrmi avou twè ,è mîn-me lé,èco qwè ?
- 951 REMOND : Est-ce bin nécessaire dè mèt' vos mame â corant di nos p'titès afères ?

- 952 INES : Mins si n'èst nin dès p'titès afères Rèmond, c'est ine saloprèye di to prumî rang, qui ti vint di m'tapez à visèdj, èt çoulà divan tos l'monde.
- 953 REMOND : Bon d'akwèr, mins dji contève qui vos avîz poloù vi fez ine îdèye, vos fez lès peus pus spè qu'in sont. Qui va dj'raconté à Téo to rintrant ?
- 954 INES : Qui va dj'raconté ?
- 955 REMOND : Awè.
- 956 INES : li vrèy camaråde, qui ta coukî avou ine djône pètass'nymfomane qui ti la bouhî grosse, mins qui n'ârè nou d'mèye-fré pace-qui èl' a avôrté.
- 957 REMOND : Qué conte ! èl gamin pout-ètinde çoulà ?
- 958 INES : Y comprindrè puis-qui l'èst surdouwé, fât bin qui ça chève à n'saqwè.
- 959 REMOND : èl'a complètmint disjonkté.
- 960 INES : (tele) Man awè c'est mi, dji v'dispiète è plin someil èscuzer m'dji va dwèrmi d'ler vos ciss'nut, awè tote seule „nèni Rèmond ni sèrè nin avou, „dj'ecspliqrè to arivant,,, mins nèni y na ni mwèrt ni blèssî, c'est brâmint pus grâve qui ça,,, torad,
- 961 REMOND : Si sèrè co n'ocâsion pus po m'fèz hère de bèl'maman.
- 962 INES : Adon là seuye onète Rèmond, mins t'èn-na bin pô d'keure di çou qu'èl'tûze di twè.
- 963 REMOND : C'est vrèye.
- 964 INES : El ni sèrè nin mîn-me èwarèye qui ta stu avou ine djone putin.
- 965 REMOND : Dj'a mîn-me lès pinse qui ça lî freut plêzîr.
- 966 INES : (Albert entre) c'est fwèr possib,,, bon Albert on-è-va.
- 967 ALBERT : Awè, mins wice-èst Josèfine ?
- 968 INES : El' sa rèssèrè èl sâle di bagn'dji n'sé si èl tchoûle où si èl'lave sès dints, d'vin tot lès cas, vos rimèrcihez po nos-ôtes, li polè, li dorèye, tot-èsteu foû bon, t'èl fèlicitèye pol'l'èfant qui va v'ni, on a passé on pô trop vite sol sudjèt. Divin tot lès cas on-a passes ine clapante swèrèye.
- 969 ALBERT : Là vos v'foutez di m'gueuye ?
- 970 INES : Gote dè monde, mètoù à pâr kékes pitits détayes, so çoulà près.
- 971 ALBERT : Dji sos bin contint qui mâgré kékès p'titès nulèyes, tot è r'mètoù è plèce.

- 972 INES : c'est ça dès p'titès nulèyes(elle cherche son foulard)
- 973 REMOND : R'mètoù è plèce nin tot-a fait.
- 974 ALBERT : Ah bon ! poqwè ?
- 975 REMOND : Inès à dandjî di s'mète èn-nèrî po veuye pus clére.
- 976 ALBERT : Kimint veuye pus clére ?
- 977 INES : Albert dimin tèlèfonez a voss' fré ,y v'mètrè à corant,mins wice-èst m'écharpe ?
- 978 REMOND : Qui sé dj' mi.
- 979 INES : èt bin qwîre.
- 980 REMOND : wice l'avève mètoù ?
- 981 INES : Si dj'èl saveus dji n'èl dimandreus nin.
- 982 MAX : Vos n'alez nin v'qwitez qwand mîn-me ?
- 983 INES : A vos'tîdèye l'afère n'est mutwè nin grâve assez po qui dj'y rèflèchih ?
- 984 ALBERT : Houte on pô Inès,por mi c'est come si vos èstahîze mi prôpe soûr,adon dji n'sés nin mi prindez ecsimpe so Josèfine,come on dit "fâte avouwèye èst-à mutan pardonèye"
- 985 INES : Po d'bitez dès fês conte t'âreus mî fè di tête Albert.ine fâte c'est ine fâte,èt dji vôleus bin r'trové mi-ècharpe non di hu.
- 986 REMOND : Dji n'sé nin.
- 987 INES : èt bin r'mowe tu.
- 988 MAX : alè r'mowe tu !(Justine était rentrée depuis quelques instant)
- 989 REMOND : (cherche)èh bin dji n'veus rin.
- 990 JUSTINE : Inès,,,
- 991 INES : Justine,rissètchîz vos main.
- 992 JUSTINE : Poqwè djâsez come ça ,dji sos d'vos'costé mi.
- 993 INES : Et bin mi dji n'èl creus nin,è d'vintrîn-mint dji sos sûre qui vos rafiî di çou qui m'arive,on-à ca r'loûkîz vos mowes po veuye vos êrs inte-deus êrs to fant l' èqwance d'èss' avou mî".Inès avou sès twèlètes fou pris,,,sès marques,,,Hèrmès,,,Gucci,,,Strelli,,,ine agence qui n'vind qui dès apartumints di hôst standing,si fi qui sèrè co vite on futûr Einstein.

Èh bin, Inès èst wyème disqua trognon, pace-qui si-ome èst-in' obsédé sècsuél', c'est bin fait po m'gueuye. Riknoh qui ça t'fait plêzîr.

994 JUSTINE : Pôve bâcèle lèl'tchèrèye fou guid'.

995 INES : D'abôrd dji n'sos nin ine pôve bâcèle.

996 JUSTINE : Prumîrmint dji n' sos ni contîn-ne èt dji na nin èvèye di v'rapâfter, deusîm-mint dji m'en fous.

997 INES : Et bin ti t'en fous èt mi dji t'anmèrde.

998 REMOND : Inès c'est to asteur na dès limites.

999 INES : Twè lache-mu èt vas'troyelié avou tès wasses.

000 JUSTINE : ça c'est la classe ! li vrèye visèdj, Inès de l'élégance, li hâgne pète èvôye èt qui dihoûveur-t-on ? ine martchande di pèhons.

001 ALBERT : T'as n'saqwè discont lès martchandès di pèhons ?

002 INES : Bon ,dj'a pièrdoû assé dè tîmps come çoulà, mins wice èst don ciss'mâdèye ècharpe ?

003 JUSTINE : awè ! wice èst don mi Hèrmès à sih cint euros seul'mint ? c'est l'cas dè l'dîre qui l'ârdjint ni fait nin l'boneur èt qui nos mèt'nin ahoute d' In'ome qui n'va nin veuye ôt-pâ.

004 MAX : justine siv plê èn-nè r' mèt' nin.

005 INES : Fât nin s'gourez hin Justine, si v'contez qui Vos'Avocât vâ mî qui m'râyeu dints, ti tchouke li deut è l'ouy bâcèle, mèt-tu bin èl tièss qui si na nin stu avou Tatiana, y n'si va nin djînné po z'alez heure si nouk ôt-pâ.

006 MAX : ça va nèni, dji n'pèmèt nin. d'èss',,,

007 ALBERT : èl'a mutwè bu on côp d'trop.

008 INES : Bu ? dji l'a tot-ahip aduzer, c'est dèl pikète.

009 ALBERT : D'èl pikète ? On Bourgueil à qwinze €, mèrci hin.

010 INES : Vos'Grand Maîsse, poqwè î-n-me ti alez plêtîz â long ? po n'nin t'èss oblîdjî dè rînter tos lès djous, lès èscuses sont pus-âhèyes a trovés, poqwè na-ti mâye voloû fez dès èfants, pace-qui y k'nohe lès lwès è qwand y l'âres st'idèye di t'plakî là lès pinsions alimentères ni sèront nin si pèsantes.

011 REMOND : oh ! c'est vrèye ça ?

- 012 MAX : Nèni !mins ti n'veus nin qu'èl divaguèye,èl dit n'importe qwè,l'âreus dandji,d'ine bone droug pol calmée.
- 013 INES : Max ?mwèzreus dîre qui t'ès blanc come nîvaye ?
- 014 MAX : Mins qui voléve dîre ?
- 015 INES : (geste de la fermer)ti sés fwèr di qwè qui r'toune.
- 016 MAX : ah ! d'akwèr on sôrtèye li grosse artil'rèye è on tèrè à vue so to çou qui bodje,Justine on-nè va,bonut tos l'monde,èt mèrci po l'ambiance,supèr !
- 017 JUSTINE : Nin si vite,dji creus qu'Inès aléve dîre in'saqwè d'intérèssant.
- 018 MAX : N'vèyève nin qu'èl-èst st-â bwèr dè "délirium tremens"
- 019 INES : Délirium mi ?dji délîre mi ?ça t'dis dè saveur li dîne qui ça tapée ?dji pout d'nez on nom Justine,ti vous saveur ?
- 020 REMOND : ça nos r'garde nin,c'est to,,,
- 021 INES : Twè ça va,kwire mi-ècharpe.
- 022 JUSTINE : Qué nom ?
- 023 MAX : on nom ?on nom c'est qwè ça ?pwis na lontimps,c'est vîs ça n'conte pus.
- 024 INES : Mutwè,mins t'èsteus dèdjà marié ,djône marié mîn-me.
- 025 MAX : C'est bin çou qui dji d'héve c'est vîs.Ca fait on bail qui dji sos marié mi.
- 026 JUSTINE : Si dj'ô bin,tèl riknoh' ?
- 027 MAX : Kimint dj'èl riknoh,mins rin du tout.Enfin Justine vos n'alez nin lèyîz èhèrtchîz divin sès mintrèyes.N'vèyé'v' nin qu'èl vis-èhèrdjèye d'vin sès mâleurs,hin ?c'est classik come réflex
- 028 JUSTINE : C'esteut quî ?
- 029 MAX : Pôye li tîmps ,na prèskipsion.
- 030 JUSTINE : Ni djow'nin à l'Avocât avoù mi,i n'al' nol prèskipsion.c'est quî ?
- 031 MAX : Qui sè dj'mi,Si vos conté qui dji m'sovince di tos lès détaies,c'est qui sol'trèvins d'èl vicârèye on-nè pout fez dè couyonâdes.
- 032 INES : Ah ça dj'èl creus,dji pous t'êdî,dji done ine indice,di s'trèvins-là èl'esteut ègadje'ye come intèrim,po lès p'tits boulots,èl'esteut djône,èmènèye,bonasse,

(Josèfine entre avec l'écharpe d'Inès elle s'en sert comme mouchoir)èl èst co todi âréze.

033 JUSTINE : Max ? c'esteut quî ?

034 MAX : heuuuuuu,,

035 ALBERT : Ah wè,wè çoulà k'mînce à m'intèrèssèz mi ossi.

036 JUSTINE : Si n'est nin vrèye ?si n'est nin,,

037 ALBERT : Mins dji t'va pètez l'gueuye mi ,ta coukî avou m'feume !(menace)

038 JOSEFINE : Vos n'alez nin v'bate come dès klikotîs.C'esteut bin d'vans qui dji m'marèye.On sî n' knohève nin mîn-me,,,,adon ?

039 JUSTINE : Ti ta fait n'coyène parèye ?

040 MAX : Ine fèye,ine mâlureuse feye.Dji l'aveus st'ègadji come stagièrè,èl'esteut èm-cabinèt on djoù après l'ovrèdj',li djoûrnèye aveut-stu assé mouvmintèye,mèsâh' dè soflé on p'tit moumint,on p'tit whisky,,èhèèè

041 JUSTINE : T'âreus mî fait di t' bouré l'djève.

042 MAX : I n'aveut nol' prèmididâtion c'est l'ocâsion qui sa pruzintèndji n'la nin fwèrcî, hin Josèfine Dji na nin hôlez ?

043 JOSEFINE : Nèni,nèni,on s'kinohève à pôn-ne,mins t'aveus bin wâde di m'dîre qui t'esteus marié.

044 MAX : C'est qui li convèrsation ni sî prutéve nin .D'abôrd qwand Albert à rèscontré Josèfine n'aveus dèdja n'bèle pîpe qu'èl n'esteut pus là.Adon on récapitule,,,ine fèye,,,ine fèye,,,c'est,,,Albret ? kimint lome-t-on çoulà ?

045 ALBERT : Qu'est-ce qui dji sés mi.

046 MAX : Justine ?ine fèye c'est qwè ?

047 JUSTINE : Nol îdèye.

048 MAX : Rèmond ?(celui-ci hausse les épaules)bon !bin mi dji l'ome çoulà in'ac'cidint,volà c'est-in'ac'cidint.

049 JOSEFINE : Dji n'vôreus nin avu l'êr dè tchipotez Max,si n'est nin in'fèye mins deus,fèyes ècsatemint.

050 ALBERT : mins dis don ,dizo t'ès êrs di bonasse,t'ès-st-ine bèle salope twè.

051 JOSEFINE : ohhh to doù hin valet,rissètch'çouk ti vins dè dire,sins qwèlni dîreu-t-on nin.Qwand dj' ta knohou ta bin d'vous creure qwand mîn-me qui dj'aveus st'avou dès

amoureux. Qui crèyève tu qui t'aveus rèscontrez Notre Dame di Fatima. Dj'a mutwè l'êr come ça on pô doudène, mins si nin po çoulà qui dji na nin mès p'titès djèrèyes, mi p'tit djârdin. On-a dès glandes hin,,, di l'adrépraline,,, dès ôrs mones,,, kimint diss'-t-on ?

052 ALBERT : Bon bin come çoulà nos-èstant dè qwite.

053 JOSEFINE : Non, non, non, nona mon cadèt on nin dè qwite, gros disgostant qu't-es.

Qwand dj'a st'avoù mi p'tite afêre avoù Max ,on si k'nohéve nin ,dismètant qu'twè ta rawârdé qui dji vâye vèuyî mame qu'èsteut à l'âgonèye po fez tes p'titès mæssistés dizo noss'teut, pourcè qu't'es.

054 ALBERT : T'âreus mî îñ-mez qui dji vâye divin n'ôtel di passe ?

055 JUSTINE : Dj'a st'èvèye di r'nârdez.

056 MAX : Alans-î Justine.

057 JUSTINE : Ni m'touche nin, où dji flahe tot-avâ, qué sankiss, dji sins qui dji va r'mètt', polè, dorèye,,, dji sins qu'ça r'monte,,, oh awè qui çoulà r'monte.

058 JOSEFINE : Riprindéve Justine, as'moùmint là Idj'èsteus djône, vos èstîz djône, Max èsteut djône, tos l'monde èsteut djône. C'est bin come çoulà qui ça a stu dji v'z'èl djeure sol tièsse di l'èfant qui dji pwète.

059 INES : Rawâde d'abôrd qu'en-nâye eune di tièsse, divan dè djurez.

060 MAX : Twè ça va, mèle tu di t'ès mitches.

061 REMOND : Poqwè aveur rimouwez tos çoulà adon qui na pus nol rêzon dè r'mèt' sès afêres là à djou.

062 MAX : Dji n't'èl fait nin dîre.

063 ALBERT : Kimint avéve apris çoulà vos ?

064 INES : Josèfine ni sés t'ni s'linwe tot-a fè ride dju, èt qwand èl'si pout rinde intèrèssante.

065 JOSEFINE : Awè ,mins t'aveus djurez.

066 INES : Hè bin sètchîz nè lès lèçons, qui sa v'aprinde po l'avni.

067 JOSEFINE : C'est qwè l' lèçon ?alez

068 INES : Qu'on pout mâye fez fiat a quî qui seuye, on-à co oùye li prouve.

069 JOSEFINE : eh Bin !Inès si come çoulà qui vos intrivèyez li vèye dji v'plind, vos d'vez bin t'èss mâlûreuse. (Justine avait composé un N° sur GSM)

- 070 JUSTINE : Maman,awè c'èst mi,ça pôreus alez mî,pou dj'vini dwèrmi ?bin awè li tims d'arivez,siya tote seule,,,nèni nin Max,,,dj'ècspliqu'rai torade,,,c'èst ça.
- 071 JOSEFINE : nèni Justine fait nin çoulà.
- 072 JUSTINE : Siya.
- 073 MAX : C'èst ça lalez chez Bèle maman,vos ârez l'tims dè rèflèchi.
- 074 JUSTINE : Rèflèchi ?mins c'èst to vèyou ! dji nî va nin po rèflèchi.
- 075 ALBERT : Justine vos n'alez nin qwitez Max to l'mîn-me.
- 076 JUSTINE : Dji fait çoû qui m'plê,Josèfine lès clés di voss' vwèture siv'plê ?
- 077 JOSEFINE : Justine.
- 078 JUSTINE : Ta bin èprontez mi-ome,dji pout bin t'èprontez l'vwèture.Vos l'pôrez v'ni kwèri dimin âmatin.
- 079 JOSEFINE : C'èst qui çoulà m'arîndj'nin télmint ,dj'a radjou po z'alez kwèri lès ridôs dèss sâlon.
- 080 JUSTINE : Josèfine,siv'plê ?
- 081 INES : C'èst todi a Vèrvîs qu'èl dimane ?
- 082 JUSTINE : awè poqwè ?
- 083 INES : C'èst-à po près l'mîn-me vòye por mi,vos pôrîz mutwè fez d'ine pîre deus còps,è m'dihèrdjî dilé l'meune.
- 084 JUSTINE : D'akwèr.
- 085 INES : Dji sos prêt'.
- 086 JUSTINE : Eh qwè Josèfine,lès clés siv'plê c'èst po oùye ?
- 087 JOSEFINE : Vos ètez vrîn-mint bin décidèyes,totes lès deus. ?
- 088 JUSTINE : Sûre
- 089 INES : Sûre è cèrtîn-ne.
- 090 JOSEFINE : Bin volà ,dji n'prustèye nin l'vwèture,c'èst mi qui v'va rikdûre,c'èst pus sûre.
- 091 ALBERT : Avève vèyou l'eure divan d'èss'rintrèye ?

- 092 JOSEFINE : Ca n'mi dèrindj nin,èt après li trèhèlrière d'ouye al nut ça m'èwareus qui dji pòye sèrez lès ouys,adon dj'în-me ot-tant m'ocupez.
- 093 ALBERT : Josèfine v'nalez nin fez l'alez-r'tour as'-t-eure chal ?
- 094 JOSEFINE : Si dji sos trop nâhèye dji n'frè qui l'alez.
- 095 ALBERT : Qui l'alez ?ça vous dîre qwè qui l'alez ?(Josèfine fait un pied de nez)
- 096 INES : On y va(elles sortent)
- 097 ALBERT : Tas vèyouù,èl ni m'rèspand nin,ça c'est trop fwèr !
- 098 REMOND : Tracass'nin Bèbert ça lî passré.
- 099 MAX : relax Max,,aaaaaaah
- 100 REMOND : c'est bon Rèmond,pfffffffff
- 101 MAX : Di timps-in-timps ine pitite crîse ça fait dè bin,on r'mète lès compteurs à zéro.
- 102 REMOND : Po m'pârt ,dja dè dotince po qui l'meune di compteur si r'mèt'è-n-alèdj'.
- 103 MAX : Mins siya,vint-qwat'heure à long ti n'l'ètindré pus,èl'va s'alez plind' dilé bèl-maman,èl'va fez s'loûf ût djoûs èn-èrot,après èl dîrè qu'èl rivint nin por twè mins po Téo.Divin on meus èl'ni lâre nin rouvî,mins èl'è-nè djâzrè pus.
- 104 REMOND : T'èl pinse ?
- 105 MAX : Si lès statistiks dihè vrèy,c'est-a pô près come çoulà s'passe.
- 106 REMOND : èt por twè,lès statitiks qui d'hès t-èl' ?
- 107 MAX : Por mi,si sèrè a pô près li mîn-me topo,avou mutwè on p'tit candjmint.
- 108 REMOND : èt bin dji n' sés nin vos-ôtes mins mi dji m'sins brâmint pus, kimint dîrè-dj'brâmint,,,,
- 109 ALBERT : Ditinglez.
- 110 REMOND : C'est ça ditinglez.
- 111 MAX : Quél pâhulisté to d'on côp,qu'on-è bin.
- 112 REMOND : (ils sont tous trois bien installés)Qu'èn-eure ès-tî Albert ?
- 113 ALBERT : M'en fou,in' deus nin t-èss' si târd qui çoulà,Qui dji sos bièsse,dji n'tùze nin qui eune di mès candes m'a st'évoyî ine bwète di cigâres d'èl Havane(il fait la distribution

114 MAX : qui c'est bon.

115 REMOND : A quî l'diss' ?(ils étaient près pour allumer leurs cigares)DING-DONG.

116 TATIANA : hèlow ! dj'a r'trové li bwète di pralines.

C'est la fin. _____ Maurice Lacroix.

e Lacroix 2011
[Signature]